



TÍTULO VI NORMAS TRIBUTARIAS

VII. TÍTULO VI NORMAS TRIBUTARIAS

CAPÍTULO I *Tributos propios*

Artigo 65.- *Taxas*

Un.- Introdúcense as seguintes modificacións na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, na súa redacción vixente:

1) Modifícanse os apartados 1 e 2 do artigo 6, quedando redactados como segue:

“1. Os instrumentos regulados nesta lei rexeranse polas normas contidas nela e polas normas regulamentarias ditadas no seu desenvolvemento.

2. Serán aplicables o texto refundido da Lei de réxime financeiro e orzamentario de Galicia e maila Lei xeral tributaria e as demais disposicións xerais en materia tributaria, así como aquelas disposicións ditadas no seu desenvolvemento, en canto resulten aplicables, de acordo co réxime xurídico establecido nesta lei en concreto para cada instrumento”.

2) Introdúcese un artigo novo coa seguinte redacción:

“Artigo 6 bis.- Potestade sancionadora.

1. A potestade sancionadora en materia dos instrumentos regulados nesta lei exercease conforme aos principios reguladores en materia administrativa coas especialidades previstas na Lei xeral tributaria, e serán aplicables as disposicións xerais contidas nela.

2. A clasificación das infraccións e sancións en materia de taxas e exaccións reguladoras rexeranse polo establecido na Lei xeral tributaria e nas demais disposicións que a desenvolvan e complementen.

3. Constitúen infraccións en materia de prezos públicos as accións u omisións dolosas ou culposas con calquera grado de negligencia que se tipifican a seguir:

a) Deixar de ingresar dentro do prazo establecido na normativa que sexa aplicable para cada prezo público a totalidade ou parte da débeda que deba resultar da correcta autoliquidación del, salvo que concorreran as circunstancias establecidas no artigo 191 da Lei 58/2003, do 17 de decembro, xeral tributaria. A infracción cualificarase consonte co disposto no dito artigo.

b) Incumprir a obriga de presentar de forma completa e correcta declaracións ou documentos necesarios para practicar a adecuada liquidación da-

queles prezos públicos que non sexan esixibles mediante autoliquidación, salvo que concorreran as circunstancias establecidas no artigo 192 da Lei 58/2003, do 17 de decembro, xeral tributaria. A infracción cualificarase consonte co disposto no dito artigo.

c) Obter indebidamente devolucións derivadas da normativa de cada prezo público. A infracción cualificarase consonte co disposto no artigo 193 da Lei 58/2003, do 17 de decembro, xeral tributaria.

d) solicitar indebidamente devolucións derivadas da normativa de cada prezo público, mediante a omisión de datos relevantes ou a inclusión de datos falsos nas autoliquidacións, comunicacións de datos ou solicitudes, sen que tiveran obtido as devolucións. A infracción cualificarase consonte co disposto no artigo 194.1 da Lei 58/2003, do 17 de decembro, xeral tributaria.

e) Solicitar indebidamente bonificacións, descontos, reducións, deducións ou calquera outro beneficio que supoña un menor importe a pagar do prezo público, mediante a omisión de datos relevantes ou a inclusión de datos falsos, sempre que como consecuencia de dita conduta non proceda impoñer ao mesmo obrigado ao pagamento do prezo público sanción por algunha das infraccións tipificadas nas letras a) ou b) anteriores. A infracción cualificarase consonte co disposto no artigo 194.2 da Lei 58/2003, do 17 de decembro, xeral tributaria.

f) Non presentar en prazo autoliquidacións ou declaracións sempre que non se tivera producido ou non se puidera producir prexuízo económico á facenda pública galega. A infracción cualificarase consonte co disposto nos apartados 1, 2 e 3 do artigo 198 da Lei 58/2003, do 17 de decembro, xeral tributaria.

g) Presentar de forma incompleta, inexacta ou con datos falsos autoliquidacións ou declaracións sempre que non se tivera producido ou non se puidera producir prexuízo económico á facenda pública galega, ou contestacións a requirimentos individualizados de información. A infracción cualificarase consonte co disposto no artigo 199 da Lei 58/2003, do 17 de decembro, xeral tributaria.

h) A resistencia, obstrución, escusa ou negativa ás actuacións da administración competente para a aplicación dos prezos públicos. Enténdese producida esta circunstancia cando o suxeito infractor, debidamente notificado para estes efectos, realizara actuacións tendentes a dilatar, entorpecer ou impedir as actuacións da administración competente para a aplicación dos prezos públicos en relación co cumprimento das súas obrigas. Inclúense neste apartado, entre outras, as seguintes condutas: non atender algún requirimento debidamente notificado, a incomparecencia, salvo causa xustificada, no lugar e tempo sinalado, non facilitar o exame de documentos, informes, antecedentes, libros, rexistros, ficheiros, facturas, xustificantes, programas e arquivos

informáticos, sistemas operativos e de control e calquera outro dato con trascendencia para a aplicación do prezo público. A infracción cualificarase consonte co disposto no artigo 203 da Lei 58/2003, do 17 de decembro, xeral tributaria.

4. As infraccións establecidas no apartado anterior sancionaranse mediante a imposición das sancións establecidas en cada un dos artigos da Lei 58/2003, do 17 de decembro, xeral tributaria aos que remite cada un dos subapartados para a cualificación de cada unha das infraccións, séndolles de aplicación os criterios de graduación e redución contidos na Lei xeral tributaria e segundo as regras establecidas nos ditos artigos.

5. As infraccións que se cometeran no ámbito dos instrumentos financeiros regulados nesta lei que tiveran establecido subvención reguladora e que tiveran como consecuencia a aplicación da subvención reguladora de forma indebida, cualificaranse e sancionaranse consonte co réxime sancionador establecido para o instrumento financeiro do que se trate.

6. O procedemento para a imposición de sancións en materia dos instrumentos regulados nesta lei rexerase polo establecido na Lei xeral tributaria e nas demais disposicións que a desenvolvan e complementen.

7. O exercicio da potestade sancionadora regulada neste artigo correspóndelle aos órganos ou unidades administrativas competentes da Administración tributaria da consellaría competente en materia de facenda que se determine regulamentariamente”.

3) Modifícase o apartado 1 do artigo 17, quedando redactado como segue:

“1. Con carácter xeral, a xestión e a liquidación de cada taxa corresponderanlles ós suxeitos ós que se refire o artigo 3 desta lei que concedan a utilización privativa, a ocupación ou o aproveitamento especial do dominio público da Comunidade Autónoma de Galicia, subministren o ben, presten o servizo ou realicen a actividade gravados, mediante os procedementos de xestión.

No entanto, cando a natureza da taxa, a súa especial incidencia ou circunstancias da tarifa ou tarifas concretas así o aconsellen, a consellaría competente en materia de facenda mediante resolución, na que se determinará o seu grado e alcance, asumirá a xestión tributaria da tarifa ou tarifas que nela sinale.”

4) Modifícase o apartado 6 do artigo 27.- Suxeito pasivo, quedando redactado como segue:

“6. Na tarifa 99 da modalidade de actuacións profesionais, relacionada no anexo 3, serán suxeitos pasivos as seguintes persoas ou entidades:

- Das tarifas X-1 e X-2, os armadores ou os seus representantes ou os consignatarios dos barcos que utilicen os servizos gravados, así como os depositarios ou responsables designados, cando con ocasión dun procedemento xudicial ou administrativo se houbera acordado a retención, conservación ou depósito dun buque, da mercadoría ou dos medios de transporte ou carga na zona de servizo dun porto.
- Da tarifa X-3, os armadores ou os consignatarios dos barcos que utilicen o servizo e os propietarios do medio de transporte cando a mercadoría entre e saia do porto por medios exclusivamente terrestres, así como os depositarios ou responsables designados, cando con ocasión dun procedemento xudicial ou administrativo se houbera acordado a retención, conservación ou depósito dun buque, da mercadoría ou dos medios de transporte ou carga na zona de servizo dun porto.
- Da tarifa X-4, o armador do buque ou quen na súa representación realice a primeira venda, así como os depositarios ou responsables designados, cando con ocasión dun procedemento xudicial ou administrativo se houbera acordado a retención, conservación ou depósito dun buque, da mercadoría ou dos medios de transporte ou carga na zona de servizo dun porto.
- O suxeito pasivo deberá facer repercutir o importe da tarifa X-4 sobre o primeiro comprador da pesca, de o haber, polo que este queda obrigado a soportar a devandita repercusión, que se fará constar de maneira expresa e separada na factura ou no documento equivalente. As controversias que se susciten entre o suxeito pasivo e o comprador repercutido serán da competencia da Xunta Superior de Facenda.
- Da tarifa X-5, con carácter solidario, o titular da embarcación ou o seu representante autorizado e, de ser o caso, o titular do dereito de uso preferente do amarre ou da ancoraxe, así como os depositarios ou responsables designados, cando con ocasión dun procedemento xudicial ou administrativo se houbera acordado a retención, conservación ou depósito dun buque, da mercadoría ou dos medios de transporte ou carga na zona de servizo dun porto.
- Nas zonas de concesión nas que o titular desta se subroga na obriga dos suxeitos pasivos, nos termos establecidos na regra décimo primeira, letra b), desta tarifa X-5, o concesionario será o substituto do contribuínte e terá que cumprir no lugar daquel as obrigas formais e materiais derivadas da obriga tributaria.
- Da tarifa polo exercicio de actividades comerciais, industriais e de servizos, o titular da actividade, calquera que sexa a natureza do seu título habilitante, así como os depositarios xudiciais ou o responsables designados xudicialmente.
- Así mesmo, no caso de concesións ou autorizacións de ocupación, utilización privativa ou aproveitamento especial do dominio público portuario nas que se permita á persoa titular a cesión a terceiros/as do uso de superficies ou instalacións incluídas na concesión ou autorización para o exercicio de actividades suxeitas a esta taxa, os ditos terceiros/as estarán obrigados ao aboamento a Portos de

Galicia da taxa correspondente á actividade de que se trate.”

5) Modifícase o artigo 28 quedando redactado como segue:

1.- Establécese unha bonificación dun 25% do importe das tarifas da taxa pola autorización autonómica previa á licenza municipal en solo rústico e pola autorización en materia de costas, cando sexan exixibles as dúas tarifas por unha mesma actuación, que requira a dobre autorización.

2.- Establécese unha bonificación dun 20% nas tarifas da taxa por Certificación da etiqueta ecolóxica, para solicitantes regulados no sistema comunitario de xestión e auditoría ambiental EMAS ou certificado conforme a norma ISO 14001, de conformidade co disposto no anexo III.I do Regulamento 66/2010 do Parlamento Europeo e do Consello, do 25 de novembro de 2009, relativo a etiqueta ecolóxica da UE.

6) Modifícase o apartado I do artigo 40, quedando redactado como segue:

“I. Estarán exentos das tarifas 01, 03 e 05, contidas no anexo 5, os suxeitos pasivos que teñan a condición de institucións e corporacións públicas ou sen ánimo de lucro cando a actividade que desempeñen sobre o dominio público non leve consigo unha utilidade económica ou, a pesar de existir dita utilidade, a utilización ou aproveitamento entrañe as condicións ou contraprestacións para o beneficiario que anulen ou fagan irrelevante aquela. Para o recoñecemento desta exención bastará con que se faga unha declaración responsable do cumprimento dos requisitos sinalados no parágrafo anterior e se aporte a xustificación adecuada xunto coa solicitude da autorización, concesión administrativa, permiso de ocupación temporal ou calquera outra autorización ou título habilitante previsto na normativa de patrimonio. A exención entenderase concedida con carácter provisional e condicionada ó cumprimento, durante todo o tempo que dure a utilización privativa, o aproveitamento especial ou a ocupación do dominio público, dos requisitos esixibles.”

7) Modifícase o apartado 2.c) do artigo 40 .- Bonificación e exencións, quedando redactado como segue:

“c) Cando na instalación e na actividade obxecto de concesión ou autorización se implante un sistema de xestión medioambiental ou de xestión da calidade na prestación dos servizos, e se acredite estar en posesión dunha certificación medioambiental ou de calidade, específica da concesión ou autorización, serán de aplicación as seguintes bonificacións sobre o valor resultante da taxa de ocupación de terreos e augas do porto:

- A) EMAS: a bonificación será do 1,5%
- B) ISO 14001: a bonificación será do 0,5%
- C) Bandeira Azul: a bonificación será do 1%
- D) Q de calidade: a bonificación será do 1,5%

A bonificación por certificación EMAS e ISO 14001, son incompatibles entre si e a correspondente á Bandeira Azul e Q de calidade, tamén son incompatibles entre si.

A bonificación aplicarase anualmente previa presentación da citada certificación.”

8) Engádesse un punto ó apartado 2.j) do artigo 40, quedando redactado como segue:

“Os particulares ou empresas concesionarias cando a ocupación do dominio público, ou o aproveitamento de obras e instalacións, se corresponda con terreos ou bens incorporados á zona de servizo do porto a través dunha expropiación, ou cesión, aboada ou aportada integramente polo dito concesionario.”

9) Modifícase o apartado 4 do artigo 42, quedando redactado como segue:

“4. No caso da tarifa 05, contida no anexo 5, será aplicable o seguinte:

a) A base sobre a que se aplican os tipos de gravame establecidos no apartado 01, así como as bases sectoriais e a base adicional, para o caso de servizos executados a través de canalizacións de titularidade da administración autonómica, contidas no apartado 02, actualizaranse anualmente segundo o coeficiente de actualización que se estableza na lei de orzamentos xerais da comunidade autónoma de Galicia de cada ano.

b) Na tarifa contida no apartado 01, cando se empreguen procedementos de licitación pública para o outorgamento de concesións, os pregos de bases poderán conter, entre os criterios para a súa resolución, o de que os licitadores oferten importes adicionais ós establecidos para esta taxa. Neste caso, o tipo de gravame da taxa virá determinado pola suma de dous compoñentes:

- A porcentaxe vixente no momento do devengo.
- A mellora determinada polo adxudicatario na proposición sobre a que se realiza a concesión, expresada en puntos porcentuais.”

10) Modifícase o artigo 48, quedando redactado como segue:

“Artigo 48. Aplicación de prezos públicos.

1. Con carácter xeral, a xestión e a liquidación de cada prezo público, correspóndelles ós suxeitos relacionados no artigo 3, que entreguen os bens, presten os servizos ou

realicen as actividades que dean lugar á obriga de pagamento do prezo público.

No entanto, cando a natureza do prezo, a súa especial incidencia ou circunstancias do caso concreto así o aconsellen, a consellaría competente en materia de facenda mediante resolución, na que se determinará o seu grado e alcance, asumirá a xestión do prezo ou prezos públicos que nela sinale.

2. A fiscalización, o control contable e as funcións de inspección, así como a potestade sancionadora en materia de prezos públicos, correspóndenlle á consellaría competente en materia de facenda. As funcións relativas ós procedementos de recadación corresponderanlle á consellaría competente en materia de facenda e levarana os órganos de recadación que regulamentariamente e por proposta desta se determinen.

3. En todo caso, os suxeitos relacionados no artigo 3, que entreguen os bens, presten os servizos ou realicen as actividades que dean lugar á obriga de pagamento do prezo público, deberán:

- a) Levar rexistros separados de ingresos e gastos, de xeito que resulte posible a súa determinación tanto conxuntamente coma polo tipo de ben ou servizo producido.
- b) Poñer en coñecemento do órgano da Administración da Comunidade do que dependan calquera situación económica adversa que provoque un desequilibrio orzamentario da súa xestión.
- c) Someterse regularmente ós controis e ás inspeccións que correspondan pola consellaría competente en materia de facenda.

4. Os ingresos derivados de prezos públicos estarán sometidos ó réxime orzamentario da entidade perceptora.

5. Os prezos públicos poderanse esixir desde que se efectúe a entrega dos bens ou se inicie a prestación dos servizos que xustifican a súa esixencia.

Tamén poderá esixirse a anticipación ou o depósito previo do importe total ou parcial dos prezos públicos na forma que, por proposta da consellaría competente en materia de facenda, se determine regulamentariamente.

6. O pagamento dos prezos públicos realizarase en efectivo ou mediante emprego de efectos timbrados ou doutros instrumentos de pagamento que autorice a consellaría competente en materia de facenda.

7. As débedas por prezos públicos esixiranse mediante o procedemento administrativo de constrinximento cando non foran satisfeitas nos prazos establecidos na normativa de aplicación.

8. Cando por causas non imputables ó obrigado ó pagamento do prezo non se realice a actividade ou non se preste o servizo, procederá a devolución do importe que corresponda”.

I I) Modifícase o artigo 52, quedando redactado como segue:

“Artigo 52. Aplicación de prezos privados.

1. Con carácter xeral, a xestión e a liquidación de cada prezo privado, correspóndelles ós suxeitos relacionados no artigo 3, que entreguen os bens, presten os servizos ou realicen as actividades que dean lugar á obriga de pagamento do prezo privado.

No entanto, cando a natureza do prezo, a súa especial incidencia ou circunstancias do caso concreto así o aconsellen, a consellaría competente en materia de facenda mediante resolución, na que se determinará o seu grado e alcance, asumirá a xestión do prezo ou prezos privados que nela sinale.

2. A fiscalización, o control contable e as funcións de inspección, correspóndenlle á consellaría competente en materia de facenda. As funcións relativas ós procedementos de recadación corresponderanlle á consellaría competente en materia de facenda e levarana os órganos de recadación que regulamentariamente e por proposta desta se determinen.

3. En todo caso, os suxeitos relacionados no artigo 3, que entreguen os bens, presten os servizos ou realicen as actividades que dean lugar á obriga de pagamento do prezo privado, quedarán sometidos ás obrigas enumeradas no artigo 48.3.”

12) Introdúcese unha nova disposición transitoria, coa seguinte redacción:

“Disposición transitoria terceira:

As ocupacións de dominio público mediante medios persoais de inmobles afectos a dependencias administrativas existentes antes do 1 de xaneiro de 2011, baseadas en título suficiente, vixente ou prorrogado consonte á norma, seguiranse rexendo polo disposto no seu título ata a extinción deste. En caso de modificación ou prórroga do mesmo, deberán adaptarse ao disposto nesta lei”.

13) Modifícase a sublínea 01 da alínea 07 do Anexo I, quedando redactada como segue:

“01	Autorización de explotación e autorización de instalación e localización (por cada máquina incluída nela):	
	- Máquinas tipo “A especial”	58,28
	- Máquinas tipo “B” ou “B especial”	95,46
	- Máquinas tipo “C”	190,79
	- Autorización de instalación e localización de máquinas tipo A (por cada máquina incluída nela)	47,77”

14) Modifícase a alínea 19 do Anexo I, quedando redactada como segue:

“19	Inscrición para a realización de probas ordinarias e extraordinarias de aptitude para a obtención dos certificados profesionais de pesca e mergullo:	
	Probas de aptitude para a obtención do certificado profesional de Patrón Local de Pesca.	17,87
	Probas de aptitude para a obtención do certificado profesional de Patrón Costeiro Polivalente.	17,87
	Probas de aptitude para a obtención do certificado profesional de Mariñeiro Pescador.	17,87
	Probas de aptitude para a obtención do Certificado de Extracción de Recursos Específicos con Técnicas de Mergullo	17,87
	Probas de aptitude para a obtención da Validación do Certificado de Extracción de Recursos Específicos con Técnicas de Mergullo.	17,87
	Probas de aptitude para a obtención da Titulación de Iniciación ao Mergullo Profesional.	17,87
	Probas de aptitude para a obtención da Titulación de Mergullador Profesional de 2ª Clase Restrinxido.	17,87
	Probas de aptitude para a obtención da Titulación de Mergullador Profesional de 2ª Clase.	17,87
	Probas de aptitude para a obtención da Titulación de Mergullador Profesional de 1ª Clase.	17,87
	Probas de aptitude para a obtención das Especialidades Subacuáticas Profesionais.	17,87”

15) Modifícase a subalínea 02 da alínea 22 do Anexo I, quedando redactada como segue:

“02	Dilixenciado de libros de xogo	
	Libros de 0 ata 300 páxinas	50,00
	Libros de 300 ata 600 páxinas	100,00
	Libros de 600 ata 1.000 páxinas	150,00”
	Libros a partir de 1.001 páxina será 0,15 € folio/ páxina	

16) Modifícase a subalínea 01 da alínea 51 do Anexo I, quedando redactada como segue:

“01	Actividades empresas de fabricación e importación de material de apostas.	
-----	---	--

- Inscripción da empresa	238,00
- Modificación ou cancelación da inscrición	160,00"

17) Modifícase a subalínea 02 da alínea 5 I do Anexo I, quedando redactada como segue:

“02	Actividades empresas comercializadoras e explotadoras de apostas	
	Inscrición da empresa comercializadora e explotadora e autorización de comercialización e explotación	238,00
	Modificación da inscrición	160,00
	Revisión da vixencia de autorización de comercialización e explotación cada 5 anos	180,00
	Modificación das condicións d autorización de comercialización e explotación	160,00"

18) Modifícase a subalínea 03 da alínea 5 I do Anexo I, quedando redactada como segue:

“03	Establecementos e lugares de apostas	
	- Autorización de tendas de apostas (por cada tenda)	1.000,00
	- Modificación ou cancelación de tendas de apostas	160,00
	- Autorización de instalación de espazos de apostas en salóns de xogo, bingos e casinos. Por cada máquina instalada	100,00
	- Extinción da autorización	100,00
	- Autorización de instalación de espazos de apostas en recintos deportivos e autorización temporal de espazos de apostas en actividades feirais de actividades deportivas, por cada máquina instalada	
		100,00"

19) Modifícase a subalínea 05 da alínea 5 I do Anexo I, quedando redactada como segue:

“05	Autorización da instalación e localización de máquinas auxiliares de apostas (en locais de hostalaría). Por cada máquina auxiliar instalada	
-----	---	--

- Autorización da instalación e localización	100,00
- Comunicación de instalación	25,00"

20) Engádesse a alínea 54 ao anexo 1 e as subalíneas 01, 02 e 03; quedando redactada como segue:

“54	Actuacións relacionadas coas avaliacións ou informes do profesorado universitario	
01	Avaliacións ou informes previos á contratación do profesorado universitario	
	- Pola primeira figura contractual	50,00
	- Pola segunda figura contractual e terceira (por cada unha)	25,00
02	Duplicado das resolucións correspondentes as avaliacións ou informes do profesorado universitario	7,89
03	Certificación das resolucións correspondentes ás avaliacións ou informes do profesorado universitario	3,27”

21) Modifícase a redacción da subalínea 01 de alínea 01 do Anexo 2, quedando redactada como segue:

“01	Outorgamento, transmisión, visado, rehabilitación, canxe e exención de autorización habilitante para o exercicio de actividades de transporte	26,66”
-----	---	--------

22) Modifícase a redacción da subalínea 05 de alínea 01 do Anexo 2, quedando redactada como segue:

“05	Outorgamento, modificación ou prórroga de autorizacións para servizos de transporte público regular permanente de uso especial, regular temporal, ou para servizos de transporte a lugares de lecer	26,66”
-----	---	--------

23) Modifícase a redacción da subalínea 06 de alínea 01 do Anexo 2, quedando redactada como segue:

“06	Competencia profesional para o exercicio de actividades de transporte, así como para o exercicio de conselleiros de seguridade en transporte de mercadorías perigosas	
	- Recoñecemento: por cada modalidade de transporte	21,40
	- Realización das probas para a obtención do certificado: por cada unha das modalidades	21,40
	- Expedición do certificado: por cada modalidade	21,40”

24) Modifícase a sublínea 07 da alínea 01 do Anexo 2, quedando redactada como segue:

“07	Actuacións relativas ás concesións de servizos de transporte regular permanente ou temporal de uso xeral:	
	- Outorgamento e ampliación das concesións :	
	Por cada km medio diario	0,607385
	O número medio diario de kms. percorridos será o resultado de dividir o número de kms.por percorrer nas expedicións previstas ó longo do ano na concesión ou ampliación solicitada por 365.	
	-Por modificacións que deban ser obxecto de comunicación á administración	53,00
	-Por modificacións que supoñan a incorporación de novos tráxicos:	
	Pola primeira relación de tráxicos incluída	53,00
	Por cada unha das restantes relación de tráxicos incluídas	0,20
	-Por modificacións que supoñan a supresión de tráxicos autorizados:	
	Pola primeira relación de tráxicos incluída	53,00
	Por cada unha das restantes relación de tráxicos incluídas	0,20
	-Por modificación que supoñan supresións ou incrementos de liñas, rutas e/ou expedicións:	
	Pola primeira liña, ruta e/ou expedición incrementada ou reducida	53,00
	Por cada unha das restantes liñas e/ou rutas incrementadas e/ou reducidas	5,00
	Por cada unha das restantes expedicións incrementadas e/ou reducidas	2,00

-Por modificación que supoñan cambios de horarios e/ou calendarios:	
Pola primeira liña, ruta e/ou expedición na que se introduzan modificacións	53,00
Por cada unha das restantes liñas, rutas e/ou expedicións nas que se introduzan modificacións	
Neste importe estimarase incluído o visado pola administración dos novos cadros de horarios	2,00
-Por outras modificacións non previstas anteriormente	53,00
-Cando o obrigado tributario incorpore a unha única solicitude modificacións que inclúan varias das previstas anteriormente, abonará unha única taxa que se calculará coa suma dos importes que correspondan polos seguintes conceptos:	
Pola modificación solicitada	53,00
Pola primeira relación de tráfico que incorpore e/ou suprima	30,00
Por cada relación adicional de tráfico que incorpore e/ou suprima	0,20
Por cada liña e/ou ruta incrementada e/ou reducida	5,00
Por cada expedición incrementada e/ou reducida	2,00
Por cada liña, ruta e/ou expedición na que introduza modificacións de horarios e/ou calendarios	2,00
- Visado dos cadros de tarifas	26,66
Cando os cadros de tarifas presentados para a súa validación coincidan cos editados e aportados ás empresas previamente pola propia administración titular do servizo público, e este procedemento se efectúe de xeito telemático no contorno das aplicacións informáticas postas en operativa pola propia administración, o anterior importe minorarase nun 90%".	

25) Suprímese a subalínea 08 da alínea 01 do Anexo 2.

26) Suprímese a subalínea 10 da alínea 01 do Anexo 2.

27) Modifícase a sublínea 18 da alínea 01 do Anexo 2, quedando redactada como segue:

<p>“18 Expedición de tarxeta de cualificación do condutor ou renovación desta</p> <p>Cando o interesado solicite que a tarxeta de cualificación de condutor lle sexa remita ao seu domicilio esta taxa verase incrementada nun 50%”</p>	<p>21,40</p>
---	--------------

28) Engádesse a sublínea 19 da alínea 01 do Anexo 2, quedando redactada como segue:

<p>“19 Pola expedición de certificados comprensivos de servizos de transporte público de persoas: por cada servizo de transporte obxecto de certificación.</p> <p>Pola expedición de copias simples de documentos correspondentes a expedientes de autorización administrativa de transporte, ou de servizo público regular de uso xeral de transporte de persoas, que obre en poder de la administración:</p> <p style="padding-left: 20px;">Pola primeira paxina</p> <p style="padding-left: 20px;">Por cada unha das demais páxinas</p> <p>No caso de copias compulsadas destes expedientes ou copias en cor, os importes anteriores incrementaranse, nun 25%”.</p>	<p>21,40</p> <p>10,00</p> <p>0,30</p>
--	---------------------------------------

29) Modifícase o apartado 12 da sublínea 02 da alínea 07 do Anexo 2, quedando redactada como segue:

“Por cada determinación inmunolóxica de anticorpos, antíxenos ou similar, en relación coa sanidade animal

No caso de diagnóstico inmunolóxico solicitado por agrupacións de defensa sanitaria gandeira (ADSG), sempre e cando respecten a normativa de aplicación, cumplan os seus programas sanitarios e non sobrepassen os máximos establecidos de remisión de mostras, aplicarase a anterior taxa de xeito reducido, aplicándose unha tarifa por cada 15 determinacións ou fracción

1,5”

30) Suprímese o apartado 02 da subalínea 28 da alínea 07 do Anexo 2.

31) Modifícase a alínea 20 do Anexo 2, quedando redactada como segue:

“20	Por autorización previa a licenza municipal en solo rústico	
	Sobre o importe do proxecto suxeito a autorización	1%
	Mínimo de	220,44
	Máximo	1.000,00”

32) Modifícase a alínea 21 do Anexo 2, quedando redactada como segue:

“21	Por autorización en materia de costas	
	Sobre o importe do proxecto suxeito a autorización	1%
	Mínimo de	220,44
	Máximo	1.000,00”

33) Modifícase a denominación da alínea 35 do Anexo 2, quedando redactada como segue:

“Informes técnicos e outras actuacións facultativas realizadas polo persoal técnico ao servizo da administración hidráulica, cando deban facerse como consecuencia das disposicións en vigor ou dos termos propios das concesións e autorizacións outorgadas”

34) Modifícase a subalínea 01 da alínea 44 do Anexo 2, quedando redactada como segue:

“01	Análises de biotoxinas mariñas en moluscos e outros organismos procedentes da pesca, o marisqueo e a acuicultura:	
	-Análise de toxinas lipofílicas por bioensaio en rato segundo o método de Yasumoto 1978	47,52
	-Análise de toxinas lipofílicas por bioensaio en rato segundo o método de Yasumoto 1984	54,32
	Análise de toxinas lipofílicas por cromatografía líquida con detección de espectrometría de masas (LC-MS/MS)	95,20

-Análise de toxicidade tipo PSP por bioensaio en rato segundo o método da AOAC:	47,52
-Análise de toxicidade tipo ASP por cromatografía líquida de alta eficacia segundo o método da AOAC	47,52
-Análise combinado nunha mesma mostra de toxinas lipofílicas por bioensaio en rato segundo o método Yasu-moto 1978, análise de toxicidade tipo PSP por bioensaio en rato segundo o método da AOAC e análise de toxicidade tipo ASP por cromatografía líquida de alta eficacia, método da AOAC:	101,86
-Análise combinado nunha mesma mostra de toxinas lipofílicas por bioensaio en rato segundo o método Yasu-moto 1984, análise de toxicidade tipo PSP por bioensaio en rato segundo o método da AOAC e análise de toxicidade tipo ASP por cromatografía líquida de alta eficacia, método da AOAC:	108,65
-Análise combinada nunha mesma mostra de toxinas lipofílicas por cromatografía líquida con detección de espectrometría de masas (LC-MS/MS), análise de toxicidade tipo PSP por bioensaios en rato segundo o método AOAC e análise de toxicidade de tipo ASP por cromatografía líquida de alta eficacia segundo o método da AOAC:	150,00"

35) Modifícase a subalínea 02 da alínea 44 do Anexo 2, quedando redactada como segue:

“02	Análises de mostras en auga de mar:	
	-Identificación e recuento de fitoplancto mariño mediante microscopía óptica	151,33
	-Identificación e recuento de fitoplancto tóxico mariño mediante microscopía óptica	133,33
	- Análise de carbono orgánico disolto	50,93
	Análise de nutrientes inorgánicos disoltos	35,00
	Análise de pigmentos fotosintéticos (clorofila “a”) por espectrofluorimetría:	16,98”

36) Modifícase a subalínea 03 da alínea 44 do Anexo 2, quedando redactada como segue:

“03	Análises microbiolóxicas en moluscos e outros organismos procedentes da pesca, o marisqueo e a acuicultura:	
	- Cuantificación de <i>E. Coli</i>	101,86
	- Detección de <i>Salmonella spp.</i>	169,75
	-Enumeración de <i>Escherichia coli</i> en moluscos bivalvos vivos pola técnica de medida directa de impedancia co sistema BacTrac 4300:	68,00”

37) Engádese a sublínea 06 a alínea 44 do Anexo 2, quedando redactada como segue:

“06	Emisión de certificacións e informes técnicos e outras actuacións a petición do interesado	
	Emisión de certificados a petición dos interesados, sobre as actuacións levadas a cabo polo Instituto	10,00
	Emisión de informes técnicos a petición do interesado (euros por hora ou fracción)	40,00”

38) Modifícase a denominación da tarifa contida na alínea 01 do Anexo 3, quedando redactada como segue:

“Informes técnicos e outras actuacións facultativas realizadas por persoal técnico ao servizo da administración xeral e das entidades públicas instrumentais dependentes dela, cando deban facerse como consecuencia de disposicións en vigor ou dos termos propios das concesións e autorizacións outorgadas.”

39) Modifícase a denominación da tarifa contida na sublínea 07 da alínea 07 do Anexo 3, quedando redactada como segue:

“07 Rexistro de entidades habilitadas para impartiren cursos sobre regulamentos de seguridade industrial”

40) Modifícase a denominación tarifa contida na sublínea 14 da alínea 07 do Anexo 3, quedando redactada como segue:

“14 Modificación ou cese no rexistro de entidades habilitadas para impartiren cursos sobre regulamentos de seguridade industrial. Sobre a tarifa consignada no subalínea 07 devengarase o 50 % dela”.

41) Engádesse a subalínea 26 a alínea 07 do Anexo 3, quedando redactada como segue

“26	Comunicación de inicio de cursos teórico-prácticos polas entidades habilitadas para impartiren cursos sobre regulamentos de seguridade industrial	47,00”
-----	---	--------

42) Modifícase a alínea 09 do Anexo 3,, quedando redactada como segue:

“09	Inscrición no Rexistro industrial así como as preceptivas actualizacións	
	- Base de aplicación. Importe da maquinaria e instalacións	
	- Ata 3.000 €	35
	- De 3.000,01 ata 7.500 €	45
	- De 7.500,01 ata 15.000 €	60
	- De 15.000,01 ata 30.000 €	80
	- De 30.000,01 ata 45.000 €	100
	- De 45.000,01 ata 60.000 €	120
	- Por cada 6.000 € ou fracción de exceso ata 6.000.000 €	5
	- Por cada 6.000 € ou fracción que exceda de 6.000.000 €	1
	No caso de denegación de inscrición devengarase o 50% da tarifa anterior”.	

43) Modifícase a tarifa contida na alínea 15 do Anexo 3, quedando redactada como segue:

“15	Posta en servizo de guindastres to- re	25+(Alcance en m*Carga en kg)/1000”
-----	---	--

44) Modifícase a denominación tarifa contida na alínea 17 do Anexo 3, quedando

redactada como segue:

"17	Rexistro de instalacións con equipos a presión Sobre a tarifa consignada no alínea 09	100%"
-----	--	-------

45) Modifícase a tarifa contida na alínea 18 do Anexo 3, quedando redactada como segue:

"18	Rexistro de instalacións de transporte e distribución de enerxía eléctrica e gas - Sobre a tarifa consignada no alínea 09 - Transformadores	150% 25+0,6*(Pot. en kW)"
-----	--	---------------------------------

46) Modifícase a alínea 19 do Anexo 3 e engádenselle as subalíneas 01,02,03,04,05, 06,07,08,09,10,11, e 12 quedando redactada como segue:

"19	Rexistros de instalacións afectadas por regulamentos de Seguridade Industrial	
01	Ascensores	25+((Percorrido en m*Carga do ascensor (100 kg))/2
02	Bombonas de gas	25+0,05*(Peso en kg)
03	Depósitos de gas	25+10*(Capacidade en m ³)
04	Eléctricas receptoras	25+0,6*(Pot. en kW)
05	Frigoríficas	25+0,6*(Pot. do compresor en kW)
06	Guindastres móbiles autopropulsados	25
07	Guindastres Torre	25
08	Instalacións térmicas nos edificios	25+0,6*(Pot. en kW térmicos)
09	Interiores de auga	25+2,4*(Caudal en l/s)
10	Petrólíferas	25+3*(Capacidade en m ³)
11	Protección contra incendios	25+10*Nivel de Risco+0,01*(Superficie en m ²)
12	Receptoras de gas	25+0,6*(Pot. en kW)"

47) Modifícase a denominación tarifa contida na alínea 25 do Anexo 3, quedando redactada como segue:

“25 Emisión de certificados de verificación periódica ou de verificación trala reparación ou modificación, emitidos directamente pola administración, cando os ensaios os realice un laboratorio por ela designado por ela. Por instrumento, non inclúe a tarifa do ensaio, que deberá ser abonada ao laboratorio designado pola administración”.

48) Modifícase a sublínea 01 da alínea 25 do Anexo 3, quedando redactada como segue:

“01 Aparatos, instrumentos ou sistemas de medida que non teñan taxa específica. 10,40”

49) Suprímense as sublíneas 02,03,04,05,06,07,08,09,10,16,19 da alínea 25 do Anexo 3.

50) Modifícase a sublínea 13 da alínea 25 do Anexo 3, quedando redactada como segue:

“13 Instrumentos de medida de son: sonómetros, calibradores acústicos e medidores persoais de exposición sonora. 10,40”

51) Modifícase a sublínea 14 da alínea 25 do Anexo 3, quedando redactada como segue:

“14 Instrumentos de medida de velocidade: cinemómetros. 10,40”

52) Modifícase a sublínea 15 da alínea 25 do Anexo 3, quedando redactada como segue:

“15 Opacímetros e analizadores de gases de escape. 10,40”

53) Modifícase a sublínea 17 da alínea 25 do Anexo 3, quedando redactada como

segue:

"17	Medidores de concentración de alcohol en aire expirado: etilómetros	10,40"
-----	---	--------

54) Modifícase a subalínea 02 da alínea 26 do Anexo 3, quedando redactada como segue:

"02	Verificación de contadores eléctricos realizada directamente pola administración, por instrumento.	83,00"
-----	--	--------

55) Modifícase a subalínea 03 da alínea 26 do Anexo 3, quedando redactada como segue:

"03	Verificación de contadores de auga fría de menos de 40 mm de diámetro, con caudais comprendidos entre 0.0125 m3/h e 20 m3/h, realizada directamente pola administración, por instrumento.	73,00"
-----	---	--------

56) Modifícase a subalínea 04 da alínea 26 do Anexo 3, quedando redactada como segue:

"04	Verificación de contadores de gas de paredes deformables G 1.6 a G10 e caudais de 16 litros/hora ata 16 m3/hora realizada directamente pola administración, por instrumento.	92,00"
-----	--	--------

57) Modifícase a letra b) da alínea 27 do Anexo 3, quedando redactada como segue:

"27	b) Recoñecemento de vehículos reformados	
	- Conforme ó proxecto	14,44
	- Sen proxecto	7,18
	- Amparada por un conxunto funcional	14,44"

58) Suprímese a letra l) da alínea 27 do anexo 3 l) Autorización de reforma de importancia xeneralizada en vehículos)

59) Modifícase alínea 35 do Anexo 3 e engádenselle as subalíneas 01, 02, 03 e 04, quedando redactada como segue:

“35	Establecementos afectados polo regulamento de accidentes graves.	
01	Inspección anual dos establecementos afectados polo Regulamento de accidentes graves	249,34
02	Notificación obrigatoria antes da construción dos establecementos afectados polo Regulamento de accidentes graves	916,7
03	Notificación obrigatoria antes da explotación dos establecementos afectados polo Regulamento de accidentes graves	1.466,7
04	Comunicación obrigatoria por calquera cambio significativo dos establecementos afectados polo Regulamento de accidentes graves	366,7”

60) Modifícase a subalínea 01 da alínea 36 do Anexo 3, quedando redactada como segue:

“01	Prórroga e cambio de dominio inter vivos ou mortis causa de establecementos produtivos e experimentais	
	* Viveiros flotantes e parques de cultivo	93,75
	* Plantas de acuicultura (mariña e continental) na zona terrestre	148,50”

61) Modifícase a denominación da tarifa contida na subalínea 02 da alínea 36 do Anexo 3, quedando redactada como segue:

“02 Modificacións na estrutura e cambio de sistema, dos establecementos produtivos ou experimentais, excepto as que afectan ao volume de edificabilidade ou ao dominio público marítimo terrestre dos ubicados na zona terrestre”.

62) Modifícase a denominación da tarifa contida na subalínea 03 da alínea 36 do Anexo 3, quedando redactada como segue:

“03 Modificacións no cultivo (cambio de especies ou das técnicas de cultivo) dos establecementos produtivos ou experimentais”

63) Modifícase a denominación da tarifa contida na sublínea 05 da alínea 36 do Anexo 3, quedando redactada como segue:

“05	Cambio de localización de establecementos produtivos e experimentais	173,85
	Nas actuacións en materia de acuicultura dos subalíneas 01, 02, 03 e 05, de ser preciso saír máis dunha vez para inspección e informes incrementarase a tarifa sinalada nesas subalíneas en 67,89 € por cada saída”.	67,89

64) Modifícase a sublínea 09 da alínea 36 do Anexo 3, quedando redactada como segue:

“09	Outorgamento de títulos habilitantes para novos establecementos de produción e modificacións que afecten ao volume de edificabilidade ou ao dominio público marítimo-terrestre dos ubicados na zona terrestre	
	*Na zona terrestre (granxas, criadeiros, piscifactorias)	300,00
	*Na zona marítima e marítimo terrestre (parques de cultivo, viveiros)	93,75”

65) Modifícase a sublínea 10 da alínea 36 do Anexo 3, quedando redactada como segue:

“10	Autorización de inmersión	7,35”
-----	---------------------------	-------

66) Engádese a sublínea 11 a alínea 36 do Anexo 3, quedando redactada como segue:

“11	Autorización para a constitución de hipotecas e outros dereitos de garantía	9,15”
-----	---	-------

67) Suprímese a sublínea 01 da alínea 52 do Anexo 3.

68) Modifícase a subalínea 04 da alínea 52 do Anexo 3, quedando redactada como segue:

“04	Inscrición no Rexistro Xeral de produtores e xestores de residuos de Galicia	
	- pequeno produtor de residuos perigosos (<10t/ano)	172,95
	- produtor de residuos perigosos (>10t/ano)	172,95
	- produtor de residuos non perigosos (>1.000t/ano)	172,95
	- transportista profesional de residuos perigosos e de residuos non perigosos	172,95
	- recolledor profesional sen instalación de residuos perigosos e de residuos non perigosos	172,95
	- negociante para residuos perigosos e para residuos non perigosos	172,95
	- axente para residuos perigosos e para residuos non perigosos	172,95”

69) Suprímese a subalínea 08 da alínea 52 do Anexo 3.

70) Suprímese a subalínea 09 da alínea 52 do Anexo 3.

71) Engádese a subalínea 14 na alínea 52 do Anexo 3, quedando redacta como segue:

“14	Baixa da autorización de xestor de residuos para actividades de almacenamento, valorización e eliminación de residuos	172,95”
-----	---	---------

72) Engádese a subalínea 15 na alínea 52 do Anexo 3, quedando redacta como segue:

“15	Baixa da inscrición no Rexistro Xeral de Produtores e Xestores de Residuos de Galicia	43,26”
-----	---	--------

73) Engádese a subalínea 16 na alínea 52 do Anexo 3, quedando redacta como segue:

“16 Modificación das autorizacións de xestores de valoración e eliminación 172,95”

74) Engádese a sublínea 17 na alínea 52 do Anexo 3, quedando redacta como segue:

“17 Modificación das autorizacións de xestores de almacenamento de residuos 43,26”

75) Engádese a sublínea 18 na alínea 52 do Anexo 3, quedando redacta como segue:

“18 Autorización e prórroga dos sistemas individuais de responsabilidade ampliada do produtor 172,95”

76) Engádese a sublínea 19 na alínea 52 do Anexo 3, quedando redacta como segue:

“19 Autorización e prórroga dos Sistemas colectivos de responsabilidade ampliada do produtor 691,85”

77) Modifícanse as sublíneas 01, 02, 03, 04, 05 e 06 da alínea 55 do Anexo 3, quedando redactadas como segue:

“01	Operacións de ensaio e contraste de ouro, e de selo caso, contraste	
	Por gramo ou fracción	0,154500
	Por ensaio	42
02	Operacións de ensaio de platino, e de ser o caso, contraste	
	Por gramo o fracción	0,215600
	Por ensaio	42
03	Operacións de ensaio de prata, e de ser o caso, contraste	
	Por gramo ou fracción	0,055190
	Por ensaio	42
04	Análise consultiva de ouro e certificación lei	58,90
05	Análise consultiva de platino e certificación lei	235,52

06 Análise consultiva de prata e certificación lei 44,16"

78) Engádese a alínea 69 e as subalíneas 01, 02, 03 04 e 05 ao Anexo 3, quedando redactada como segue:

"69	Actuacións en relación co Rexistro do Control Metrolóxico	
01	Inscrición no Rexistro de Control Metrolóxico de Fabricantes, Importadores, Comercializadores ou Arrendadores. Primeira inscrición.	58,37
02	Inscrición no Rexistro de Control Metrolóxico de Fabricantes, Importadores, Comercializadores ou Arrendadores. Cese ou modificación.	26,05
03	Declaración responsable de reparadores de instrumentos de medida suxeitos a control metrolóxico. Primeira inscrición.	58,37
04	Declaración responsable de reparadores de instrumentos de medida suxeitos a control metrolóxico. Cese ou modificación.	26,05
05	Preasignación de códigos de precintos os reparadores inscritos no Rexistro de Control Metrolóxico.	10,40"

79) Engádese a alínea 70 e as subalíneas 01 e 02 ao Anexo 3, quedando redactada como segue:

"70	Plans ou proxectos	
01	Tramitación dun plan ou proxecto sectoriais de incidencia supramunicipal	4.250
02	Tramitación dun proxecto industrial estratéxico	4.250"

80) Engádese a alínea 71 ao Anexo 3, quedando redactada como segue:

"71	Verificación do mercado CE como consecuencia de reclamación ou de denuncia	970"
-----	--	------

81) Engádese a alínea 72 ao Anexo 3, quedando redactada como segue:

“72 Rexistro extemporáneo de instalación afectada por
regulamento de Seguridade Industrial

Sobre tarifa consignada na alínea .19. correspondente 400%”

82) Engádese a alínea 73 do Anexo 3, quedando redactada como segue:

“73 Laboratorio Oficial de Vehículos Históricos
Acreditación e inscrición 220,44
- Renovación da acreditación e inscrición: sobre a tarifa
anterior devengarase o 50% dela”

83) Engádese a alínea 74 do Anexo 3, quedando redactada como segue:

“74 Concesión da etiqueta ecolóxica

Con carácter xeral	650
Para pequenas e medianas empresas	400
Para microempresas	250

No caso rexistrar mais dun produto ou servizo, as
tarifas anteriores incrementaranse nun 20% , por cada pro-
duto o servizo adicional.

84) Engádese a alínea 75 do Anexo 3, quedando redactada como segue:

“75 Certificación para desgravación fiscal por investimento
medioambiental

Ata 100.000 € de investimento certificado	50
A partir de 100.001 € de investimentos certificado	525

85) Engádese a alínea 76 do Anexo 3, quedando redactada como segue:

“76 Valoracións tributarias de bens inmobles situados na
Comunidade Autónoma de Galicia que vaian ser obxecto
de adquisición ou de transmisión, realizadas por técnicos
ao servizo da Axencia Tributaria de Galicia para os efectos
dos tributos cuxa xestión lle corresponda (por cada ben
inmoble):

01 Pisos, locais, garaxes, almacéns, fincas rústicas ata 10 Ha sen edificacións	20
--	----

02	Casas, Naves, Edifícios ou partes dun edificio, Hoteis	40
03	Solos Urbanos, urbanizables, mixtos e asimilados	40
04	Fincas rústicas de mais de 10 Ha, con melloras ou con edificacións	40
05	Inmobles singulares do Patrimonio Histórico e resto de bens ou dereitos	60

86) Engádesse un segundo parágrafo no punto V, nas Regras xerais de aplicación e definicións da alínea 99 do anexo 3, quedando redactado como segue:

“No caso de que exista discrepancias, ou sempre que existan dúbidas sobre as dimensións totais reais da embarcación, Portos de Galicia poderá realizar a medición directa da embarcación. As dimensións resultantes da medición directa da embarcación servirán de base para a aplicación das tarifas portuarias, e se entenderá por eslora máxima ou total a distancia entre os puntos mais extremos da embarcación incluíndo todos aqueles elementos fixos ou desmontables que formen parte dela aínda que puideran eliminarse sen afectar a integridade estrutural da embarcación”.

87) Suprímese o parágrafo terceiro da regra novena da tarifa X-I contida na subalínea 01 da alínea 99 do Anexo 3.

88) Modifícase a regra decima da tarifa X-I contida na subalínea 01 da alínea 99 do anexo 3, quedando redactado como segue:

“Portos de Galicia poderá establecer convenios anuais para a liquidación desta tarifa con asociacións profesionais do sector que agrupen a varias embarcacións destinadas ó servizo de acuicultura, cunha redución adicional do 75% sobre a base imponible resultante”.

89) Modifícase o parágrafo segundo da regra décimo quinta da tarifa X-2 contida na subalínea 01 da alínea 99 do anexo 3, quedando redactado como segue:

“Portos de Galicia poderá establecer convenios anuais para a liquidación desta tarifa con asociacións profesionais do sector que agrupen a varias embarcacións destinadas ó servizo de acuicultura, cunha redución adicional do 90% na contía da tarifa. As embarcacións deberán pertencer a unha asociación profesional do sector, e o concerto establecerse en función do período e da ocupación da liña de atracada”.

90) Modifícase o último parágrafo da regra décima da Tarifa X-3, contida na sublínea 01 da alínea 99 do anexo 3, quedando redactado como segue:

“Neste concerto poderase establecer unha redución da contía da tarifa de ata o 90% dependendo do número de bateas adscritas o mesmo, segundo ós tramos establecidos no seguinte cadro:

Número de bateas	% bonificación
Da batea 5 a 20	75%
Da batea 21 a 50	80%
Da batea 51 a 100	85%
Por riba da batea 101	90%”

91) Modifícase a regra decimo segunda da tarifa X-4 contida na sublínea 01 da alínea 99 do Anexo 3, quedando redactada como segue:

“Décimo segunda.— O aboamento desta tarifa a Portos de Galicia exime o buque pesqueiro do pagamento das restantes tarifas por servizos xerais por un prazo máximo dun mes a partir da data de iniciación das operacións de descarga ou transbordo. No suposto de que a embarcación dispoña dunha praza reservada para o seu uso exclusivo en peiraos, embarcadoiros ou pantaláns flotantes, o importe da X-4 a liquidar será como mínimo de 10 € ó mes. Este prazo poderase ampliar ós períodos de inactividade forzosa, por temporais, vedas costeiras ou licencias referidas ás súas actividades habituais, expresa e individualmente acreditados por certificación da autoridade competente. No caso de inactividade forzosa prolongada, a autoridade competente fixará os lugares nos que estes barcos deban permanecer ancorados ou atracados, atendendo ás disponibilidades de atracada.

Nos demais casos os buques estarán suxeitos ó aboamento das citadas tarifas xerais X-1, “entrada e estadía de barcos”, e X-2 “atracada”.

92) Modifícase a regra primeira da tarifa X-5 contida na sublínea 01 da alínea 99 do Anexo 3, quedando redactada como segue:

“Primeira.- Esta tarifa abrangue a utilización, polas embarcacións deportivas ou de lecer, incluso as destinadas a fins lucrativos, e polos seus tripulantes e pasaxeiros, das augas do porto e das súas instalacións de balizamento, das axudas á navegación, das bacías, dos accesos terrestres e vias de circulación dos portos, e de ser o caso, das instalacións de ancoraxe e atracada en peiraos ou embarcadoiros, así como dos servizos específicos dispoñibles.”

93) Modifícase a regra sexta da tarifa X-5 contida na subalínea 01 da alínea 99 do Anexo 3, quedando redacta como segue:

“Sexta.- A contía da tarifa estará composta polos seguintes conceptos:

- A) Pola utilización das augas dos portos e máis das instalacións portuarias.
- B) Polos servizos utilizados de atracada, ancoraxe ou estadía en seco de embarcacións.
- C) Pola dispoñibilidade doutros servizos específicos.

O importe da tarifa X-5 será o resultado da suma dos conceptos A), B) e C) indicados anteriormente que lle sexan aplicables en función dos servizos prestados.

A contía dos conceptos dos que se compón a tarifa X-5, por metro cadrado arredondado por exceso e por día natural ou fracción, será a seguinte:

- A) Pola utilización das augas do porto e máis das instalacións portuarias:
 - Zona I: 0'034893 euros.
 - Zona II: 0'020935 euros.
- B) Polos servizos utilizados de atracada, ancoraxe ou estadía en seco de embarcacións:
 - 1. Atracada en punta: 0'038380 euros.
 - 2. Atracada de costado: 0'095952 euros.
 - 3. Atracada a banquetta ou dique: 0'019191 euros.
 - 4. Ancoraxe: 0'038380 euros.
 - 5. Embarcacións en seco:
 - 5.1. Embarcacións en seco que aboien durante o mesmo período o concepto A) da presente tarifa X-5: 0,061062 euros.
 - 5.2. Embarcacións en seco que non aboien durante o mesmo período o concepto A) da presente tarifa X-5: 0,081416 euros
- C) Pola dispoñibilidade doutros servizos específicos:
 - 1. Por cada finger en cada posto de atracada: 0'016282 euros.
 - 2. Por brazo de amarre ou por tren de ancoraxe para amarre por popa de embarcacións atracadas: 0'008142 euros.
 - 3. Toma de auga: 0'005815 euros.
 - 4. Toma de enerxía eléctrica: 0'005815 euros.

Cando polo organismo portuario se acoten especificamente zonas do porto para ancoraxe ou depósito de embarcacións deportivas, as contías das alíneas 4 e 5 do concepto B) terán unha bonificación do 50%, sempre que previamente se soliciten os correspondentes servizos a Portos de Galicia.

As contías dos conceptos A), B) e C) para as embarcacións de paso no

porto serán as anteriormente indicadas multiplicadas por 1'5.

As contías dos conceptos A), B) e C) para as embarcacións tradicionais debidamente acreditadas, conforme ó establecido na normativa de aplicación e nas disposicións que se diten en interpretación ou aclaración da mesma, no suposto exclusivamente de embarcación dedicadas á promoción e conservación do patrimonio marítimo tradicional sen fins lucrativos, serán as anteriormente indicadas cunha bonificación de ata un 60%. Dita bonificación calcularase en función da antigüidade, características, actividade a cal se dedica e tonelaxe da embarcación. Esta bonificación non será acumulable ás bonificacións descritas na regra 8ª da presente tarifa X-5.

Ós efectos da aplicación da bonificación indicada se terá en conta o seguinte:

A bonificación será do 40% para as embarcacións orixinais e do 20% para as replicas, a aplicar sobre a suma das contías dos conceptos A), B) e C) resultante.

Ademais, no seu caso, serán de aplicación sobre a suma das contías dos conceptos A), B) e C) resultante, as seguintes bonificacións adicionais:

- 1.- O 10% para replicas construídas con anterioridade ó ano 1950.
- 2.- O 15% para as embarcacións de porte superior ás 50 toneladas de rexistro bruto.
- 3.- O 20% para as embarcacións pertencentes a asociacións náuticas ou culturais sen ánimo de lucro.

As bonificacións adicionais dos apartados 1, 2 e 3, non son acumulables entre si.

Considerarase embarcación tradicional aquelas que no seu proceso construtivo utilizaron técnicas artesanais e que teñan un intres identitario ou patrimonial, podendo distinguir entre embarcacións orixinais, aquelas construídas con anterioridade o ano 1.950, seguindo deseños ancestrais en liñas, materiais e técnicas construtivas; e replicas, aquelas embarcacións construídas de forma exacta as orixinais, aplicando os mesmos deseños, materiais e técnicas construtivas que aquelas. Enténdese por ancoraxe a dispoñibilidade dunha superficie de espello de auga destinado para tal fin e debidamente autorizado.

Enténdese por atracada en punta a dispoñibilidade dun elemento de amarre fixo a embarcadiro, peirao, banquetta ou dique que permita fixar un dos extremos (proa ou popa) da embarcación.

Enténdese por embarcación en seco aquela que permaneza nas instalacións portuarias, fóra da lámina de auga, tanto en estadia transitoria non dedicada a invermada coma en estadias prolongadas en zonas habilitadas

para tal fin.

Enténdese por dispoñibilidade dos servizos de auga e enerxía, dos puntos 3 e 4 do concepto C), a existencia nas proximidades do punto de atracada, a peirao ou embarcadero, de tomas de subministración de auga ou enerxía, con independencia do aboamento da tarifa E-3 que lle sexa aplicable polos consumos efectuados”.

5. Servizo de marinería a embarcación atracadas:

Para embarcacións de menos de 12 metros de eslora 19,72 €/m²/ano, e de 22,17 €/m²/ano para o resto de embarcacións, correspondendo os m² á superficie nominal da praza teórica que ocuparía cada embarcación, e aplicando a parte proporcional o período autorizado.

O servizo marinería inclúe as axudas ó atraque e desatraque e o control e xestión das instalacións.

No suposto de que o servizo de marinería non inclúa a parte proporcional do servizo de vixilancia continuada as contías serán as indicadas anteriormente multiplicadas por 0,65.

94) Suprímese o segundo parágrafo da regra oitava da tarifa X-5 contida na sublínea 01 da alínea 99 do Anexo 3.

95) Modifícase a regra décimo primeira da tarifa X-5 contida na sublínea 01 da alínea 99 do Anexo 3, quedando redactada como segue:

“Décimo primeira.— As embarcacións atracadas ou ancoradas en instalación propias de concesións, cuxos atraques sexan xestionados polo concesionario na súa totalidade, agás que no título concesional se determine outra cousa, aboarán en todo caso o concepto A) da regra sexta e os demais sumandos B) e C) por aqueles servizos prestados en instalacións alleas á concesión. Para o seu aboamento o concesionario poderá optar:

a) Pola liquidación directa da tarifa polo organismo portuario ao suxeito pasivo baseándose na documentación que o concesionario lle entregará a Portos de Galicia, cos datos diarios precisos para que este lles poida liquidar a tarifa tanto ás embarcacións de paso coma ás que teñen base na concesión, de acordo co procedemento e formato que Portos de Galicia determine. A domiciliación bancaria poderá ser esixida por Portos de Galicia de o considerar conveniente para a xestión tarifaria das instalacións.

b) Polo aboamento da tarifa, subrogándose na obriga dos suxeitos pasivos. Neste caso o concesionario entregalle a Portos de Galicia a documenta-

ción que lle sexa requirida, consonte o procedemento e formato que sinala este organismo, cos datos necesarios para realizar a liquidación que practicará Portos de Galicia. Neste caso, Portos de Galicia poderá acordar unha redución de ata un 15 % da contía base da tarifa que lle corresponda, esta redución será dun 5% se a relación de embarcacións de base declaradas é inferior a 100, o 10% se está entre 101 e 200 e do 15% se é superior a 201. Para as embarcacións en tránsito que ocupen prazas de uso público a redución na contía da tarifa base será do 5%".

96) Modifícase a regra decimo segunda da tarifa X-5 contida na sublínea 01 da alínea 99 do Anexo 3, quedando como segue:

"Decimo segunda.- Nas instalacións deportivas construídas e xestionadas parcialmente por Portos de Galicia que sexan explotadas por particulares mediante a correspondente concesión ou autorización administrativa, poderase aplicar, para as embarcacións en tránsito que ocupen prazas de uso público, unha redución na contía da tarifa do 5%, dependendo da composición e porte da flota afecta, sempre que o xestor se subroga na obriga dos suxeitos pasivos. Neste caso o xestor da instalación entregalle a Portos de Galicia a documentación que por este organismo lle sexa requirida, consonte o procedemento e formato que se determine.

Nas instalacións descritas no parágrafo anterior que a entrada en vigor desta lei inclúese nos pregos de condicións a redución da contía da tarifa X-5 de ata o 15%, por subrogarse nas obrigas de pagamentos dos suxeitos pasivos que utilicen as instalacións, manterase esta redución mentres estea vixente ese título administrativo. No caso de modificación ou prorroga deste, aplicarase o disposto nesta regra décimo segunda, aplicable unicamente as embarcacións en tránsito que ocupen prazas de uso público".

97) Modifícase a regra terceira da tarifa E-I contida na sublínea 02 do apartado 99 do Anexo 3, quedando redactado como segue:

Terceira.- Para guindastres tipo pluma, a base para a liquidación desta tarifa serán o tempo de dispoñibilidade do correspondente guindastre e o número de manobras. Para a liquidación de guindastres tipo pórtico será a eslora máxima da embarcación e o número de manobras.

No suposto de que a embarcación sexa deportiva ou de lecer a base de liquidación será, tanto para guindastre tipo pluma como para o tipo pórtico, a eslora máxima da embarcación e o número de manobras

98) Modifícase a regra decimo primeira da tarifa E-I, contida na sublínea 02 do apar-

tado 99 do Anexo 3, quedando redactado como segue:

Décimo primeira.— Con carácter xeral, as contías da tarifa, por hora de utilización, do guindastre tipo pluma, ou por eslora máxima, no guindastre tipo pórtico serán as seguintes:

Guindastre tipo pluma	€/h
Menos de 3 toneladas	14,181233 €
Entre 3 e 6 toneladas	19,241587 €
Maior de 6 toneladas	22,275079 €
Guindastre tipo pórtico	€ por manobra subida ou baixada
Eslora máxima menos de 8 metros	60
Eslora máxima entre 8,01 a 10 metros	65
Eslora máxima entre 10,01 a 12 metros	70
Eslora máxima entre 12,01 a 14 metros	80
Eslora máxima entre 14,01 a 16 metros	90
Eslora máxima de mais de 16,01 metros	105

Para as embarcación deportivas ou de lecer, as contías da tarifa por eslora máxima, no guindastre tipo pluma, serán as seguintes:

Guindastre tipo pluma	€ por manobra subida ou baixada
Eslora máxima de menos de 7 metros	30
Eslora máxima entre 7,01 e 10 metros	40
Eslora máxima entre 10,01 e 12 metros	45
Eslora máxima entre 12,01 e 14 metros	50
Eslora máxima entre 14,01 e 16 metros	55

Para embarcacións que realicen manobras de subida e baixada nun prazo de 24 horas terán un desconto do 25%.”

Portos de Galicia poderá establecer concertos para a utilización dos guindastres cos usuarios habituais, fixándose como tarifa mensual unha estimación da utilización do guindastre baseada para cada porto no tipo e na composición da flota usuaria, nas

condicións de abrigo das augas e na superficie de peirao dispoñible para a ancoraxe.

99) Modifícase a regra cuarta da tarifa E-3 contida na subalínea 02 da alínea 99 do Anexo 3, quedando como segue:

“Cuarta.- As contías da tarifa por subministración de auga potable serán as seguintes:

- Por metro cúbico de auga ou fracción subministrada a través das tomas propiedade de Portos de Galicia: 1,019049 €.
- Por metro cúbico de auga ou fracción subministrada nas restantes instalacións: 0,611430 €.

As contías indicadas nos dous parágrafos anteriores serán incrementadas sempre que as mesmas sexan inferiores a contía aplicable por parte da empresa subministradora. Nese suposto as contías da tarifa por m³ de auga subministrada serán as seguintes:

A tarifa aplicada pola empresa subministradora cun recargo do 35%, cando esta sexa superior a 1,019049 €/m³ incluído o canon de saneamento, para tomas propiedade de portos de Galicia.

A tarifa aplicada pola empresa subministradora cun recargo do 10%, cando esta sexa superior a 0,611430 €/m³ incluído o canon de saneamento, para o resto das instalacións”

100) Suprímese a regra decimo quinta da tarifa E-3 contida na subalínea 02 da alínea 99 do Anexo 3.

101) Engádesse a regra décimo quinta á tarifa E-4 contida na subalínea 02 da alínea 99 do Anexo 3, quedando redactada como segue:

“Décimo cuarta.- As contías polo subministro de elementos de apertura ou peche de control de accesos instalados nos portos, serán os seguintes:

- Tarxetas magnéticas: 15,02 €/unidade
- Mandos a distancia: 50,61 €/unidade”

102) Modifícase o apartado 5 do punto 3 da subalínea 03 da alínea 99 do Anexo 3, quedando redactado como segue:

“5. Taxa polo exercicio de actividade polo desenvolvemento de actividades portuarias inherentes a xestión e explotación de lonxas.

A cota polo desenvolvemento de actividades portuarias inherentes a xestión e ex-

plotación de lonxas establecece por servizo prestado, en función dos quilogramos de pescado vendido en lonxa.

O importe da taxa será de 0,0015 euros por quilogramo de pescado vendido na lonxa.

O importe da taxa será como máximo o 1 por 100 do importe anual da cifra neta de negocio polas actividades portuarias inherentes á xestión e explotación da lonxa.”

103) Modifícase o punto 5 de la letra A) do apartado 3.2. da sublínea 03 da alínea 99 do Anexo 3, quedando redactado como segue:

5. Taxa polo exercicio de actividade polo desenvolvemento de actividades portuarias inherentes a xestión e explotación de lonxas.

A cota polo desenvolvemento de actividades portuarias inherentes a xestión e explotación de lonxas establecece por servizo prestado, en función dos quilogramos de pescado vendido en lonxa.

O importe da taxa será de 0,0015 euros por quilogramo de pescado vendido na lonxa.

O importe da taxa anual será como máximo o 1 por 100 do importe anual da cifra neta de negocio por las actividades portuarias inherentes a xestión e explotación de lonxa, ata máximo de 30.000 €.”

O importe anual da cifra neta de negocios a considerar será o resultante de aplicar ao importe do volume total anual de vendas efectuadas na lonxa a porcentaxe autorizada na concesión correspondente en concepto de tarifa a cobrar polo adxudicatario do servizo pola prestación do mesmo.

104) Engádesse un novo punto 6 na letra A) do apartado 3.2. da sublínea 03 da alínea 99 do Anexo 3, coa seguinte redacción

6. Restantes servizos e actividades comerciais e industriais portuarias.

A cota anual da taxa polo exercicio de actividades comerciais ou industriais portuarias non contempladas nos artigos anteriores establecerase por unha porcentaxe en función do importe anual da cifra neta de negocios da actividade desenvolvida no porto ao amparo da autorización, de acordo coa seguinte táboa:

Actividade desenvolvida	Tipo a aplicar
-------------------------	----------------

Fábricas de xeo, cámaras de frío; departamentos de armadores ou exportadores; subministración de combustible a buques; recollida de refugallos; varadoiros, talleres de reparación de embarcacións, estaleiros; depuradoras de molusco, cetarias, viveiros, acuicultura; xestión de amarres náutico-recreativos

1 por 100

Naves de almacenaxe, loxística; oficinas; venda de embarcacións, efectos navais; industrias conserveiras, transformación e manipulación da pesca

1,50 por 100

A anterior listaxe de actividades posúe a estes efectos un carácter indicativo e non limitativo.

Para aquelas concesións, autorizacións ou calquera outro título habilitante outorgado con anterioridade ao 12 de decembro de 2003, data de entrada en vigor desta lei, para o exercicio de actividades comerciais ou industriais portuarias previstas neste apartado, a cota máxima anual da taxa será de 30.000 euros para as actividades ás que se lle aplique o tipo do 1 por 100 e de 60.000 euros para aquelas actividades ás que se lle aplique o tipo do 1,5 por 100.

Ás concesións, autorizacións ou calquera outro título habilitante indicadas no parágrafo anterior, que sexan actualizadas ou modificadas respectando o prazo inicial da orixinal e manteñan o seu destino e actividade conforme aos títulos habilitantes iniciais, a taxa a aplicar será de acordo co indicado no parágrafo anterior.

Para aquelas concesións, autorizacións ou calquera outro título habilitante outorgado con posterioridade ao 12 de decembro de 2003, data de entrada en vigor desta lei, para o exercicio de actividades comerciais ou industriais portuarias previstas neste apartado, a cota máxima anual da taxa será 60.000 euros para as actividades ás que se lle aplique o tipo do 1 por 100 e que veñan expresamente indicadas no apartado correspondente do cadro anterior, e de 120.000 euros para aquelas actividades ás que se lle aplique o tipo do 1,5 por 100 ou aquelas actividades que non veñan expresamente enumeradas no cadro anterior.

105) Modifícase a alínea 03 do Anexo 4, quedando redactada como segue:

“03 Venda de libro de mantemento de instalación en materia de seguridade industrial 9,60”

106) Modifícase o punto 2 da alínea 02 contido no Anexo 5, quedando redactado como segue:

2. O tipo de gravame anual aplicado á base impoñible será o seguinte:

a) No suposto de ocupación de terreos e de augas do porto:

-Nas áreas destinadas a usos portuarios pesqueiros onde se desenvolvan actividades de lonxa, coas súas correspondentes cámaras de frío, fábricas de xeo, e naves de redes: o 2,5 %.

-Nas áreas destinadas a outros usos portuarios pesqueiros, usos portuarios relacionados co intercambio entre modos de transporte, aos relativos ao desenvolvemento de servizos portuarios e ós servizos básicos a prestar nunha instalación náutico deportiva: o 5 %.

-Nas áreas destinadas a actividades auxiliares ou complementarias das actividades portuarias, incluídas as loxísticas, de almacenaxe e os servizos comerciais que correspondan a empresas industriais ou comerciais: o 6 %.

-Nas áreas destinadas a usos que non estean relacionados directamente coas actividades portuarias, ou complementarias ou auxiliares das portuarias: o 7%
Respecto do espazo de auga para recheo, o 2,5% do valor da base mentres o concesionario efectúa as obras de recheo no prazo fixado na concesión. Ó finalizar este prazo, o tipo será do 5%.”

b) No caso de ocupación do voo ou subsolo de terreos ou espazos somerxidos.

-O 2,5% do valor da base imponible que corresponda ós respectivos terreos ou augas, agás que o seu uso impida a utilización da superficie. Neste caso o tipo de gravame será o que corresponda de acordo co previsto na letra a) anterior.

c) No caso de ocupación de obras e instalacións:

-Nas áreas destinadas a usos portuarios pesqueiros onde se desenvolvan actividades de lonxas coas súas correspondentes cámaras de frío, fábricas de xeo e naves de redes: o 2,5 % dos valores dos terreos, do espazos de auga e das obras e instalacións, e o 25 % do valor da depreciación anual asignada.

-Nas áreas destinadas a outros usos portuarios pesqueiros, usos portuarios relacionados co intercambio entre modos de transporte, aos relativos ao desenvolvemento de servizos portuarios e ós servizos básicos a prestar nunha instalación náutico deportiva: o 5% dos valores dos terreos, do espazo de auga e das obras e instalacións, e o 100% do valor da depreciación anual asignada.

-Nas áreas destinadas a actividades auxiliares ou complementarias das actividades portuarias, incluídas as loxísticas, de almacenaxe e os servizos comerciais que correspondan a empresas industriais ou comerciais: o 6% dos valores dos terreos, do espazo de auga e das obras e instalacións, e o 100% do valor da depreciación anual asignada.

-Nas áreas destinadas a usos que non estean relacionados directamente coas actividades portuarias, ou complementarias ou auxiliares das portuarias: o 7% dos valores dos terreos, do espazo de auga e das obras e instalacións, e o

100% do valor da depreciación anual asignada.

-Os efectos da aplicación de este artigo se considerarán actividades relacionadas co intercambio dos modos de transporte e servizos portuarios os seguintes: Servizo de practicaxe; servizos técnico – náuticos; servizo ó pasaxe; servizo de manipulación e transporte de mercadoría e servizo de recepción de refugallos xerados polos buques.

Así mesmo consideraranse servizos básicos a prestar nunha instalación náutico deportiva, os seguintes: amarre e desamarre; servizo de duchas; vestiarios e lavandería; servizo de subministro de auga e enerxía; servizo contra incendios, vixilancia e seguridade; servizos administrativos da instalación náutica; servizos de información; correo e comunicacións; vixilancia e control das instalacións.

d) No suposto de uso consuntivo: o 100% do valor dos materiais consumidos.

107) Modifícase a contía da base sectorial, “ - Distribución de hidrocarburos”, contida na subalínea 02 da alínea 05, do Anexo 5, pasando a ser a partir da entrada de esta lei de 4,70€/m.

108) Modifícase a contía da base sectorial, “- Telefonía e telecomunicacións”, c contida na subalínea 02 da alínea 05, do Anexo 5, pasando a ser a partir da entrada de esta lei de 2,91€/m.

109) Modifícase a fórmula do cálculo do coeficiente de densidade de poboación C_d , contida na subalínea 02 da alínea 05, do Anexo 5, pasando a ser, a partir da entrada de esta lei, a seguinte:

$$C_d = \sqrt{\frac{\phi_m}{\phi_G}} \leq 2$$

110) Modifícase o derradeiro parágrafo da subalínea 02, do Anexo 05, quedando redactado como segue:

“O tipo de gravame aplicable nos supostos de aproveitamento especial será do 50%”.

Artigo 66.- *Imposto sobre o dano medioambiental.*

Un.- Modifícase o artigo 15 da Lei 15/2008, do 19 de decembro, do imposto sobre o dano medioambiental causado por determinados usos e aproveitamentos da auga encorada, que queda redactado como segue:

“Artigo 15º.-Prazos e lugar de presentación.

1. As declaracións ás que se refire o artigo 13 deberán presentarse nos prazos que estableza a orde da consellaría competente en materia de facenda que aprobe os modelos de declaración.
2. As autoliquidacións ás que se refire o artigo 14 deberán presentarse nos prazos que estableza a orde da consellaría competente en materia de facenda que aprobe o modelo de autoliquidación.
3. As declaracións e autoliquidacións anteriores deberán presentarse ante o órgano ou a unidade administrativa competente consonte o sinalado no artigo 20.”

Dous.- Modifícase o artigo 20 da Lei 15/2008, do 19 de decembro, do imposto sobre o dano medioambiental causado por determinados usos e aproveitamentos da auga encorada, que queda redactado como segue:

“Artigo 20º.-Órganos competentes.

O exercicio das funcións de aplicación e de revisión do imposto, así como o exercicio da potestade sancionadora en materia tributaria, corresponderalles aos órganos ou unidades administrativas competentes da Administración tributaria da consellaría competente en materia de facenda que determine a súa norma organizativa.”

Artigo 67.- *Repercusión do canon da auga*

Modifícase o apartado 7 do artigo da Lei 9/2010, de 4 de novembro, de augas de Galicia, que queda redactada como segue:

“7. Establécese a obriga das entidades subministradoras de auga de presentaren autoliquidación durante os meses de xaneiro, maio e setembro, en relación cos respectivos cuadrimestres naturais de cada ano, das cantidades repercutidas ou que se debesen repercutir en concepto de canon da auga, no lugar e forma que se determinen regulamentariamente.”

Artigo 68.- *Criterios de afectación de determinados tributos*

Un.- A totalidade dos ingresos previstos polo imposto sobre o dano ambiental causado por determinados usos e aproveitamentos da auga embalsada, establecido pola Lei 15/2008, do 19 de decembro, financiará actuacións comprendidas nos programas 541B e 551B, en concreto os gastos de investimento destinados ao saneamento, protección e

mellora do medio natural, así como a realización de transferencias para levar a cabo obras e servizos hidráulicos. Para tal efecto, consignarase, polo seu importe, unha transferencia de capital específica no estado de ingresos da entidade pública empresarial Augas de Galicia.

Dous.- A metade da dotación anual, que cos recursos do canon eólico, corresponde ao Fondo de Compensación Ambiental, establecido pola Lei 8/2009, do 22 de decembro, financiará os gastos de investimento consignados nos programas 541B, 551B e 713B do estado de gastos.

CAPÍTULO II *Tributos cedidos*

Artigo 69.- *Taxas fiscais sobre o xogo*

Modifícase o artigo 33 da Lei 14/1985, do 23 de outubro, reguladora dos xogos e apostas en Galicia, que queda redactado como segue:

“A autorización, organización ou celebración de xogos e actividades comprendidas nesta lei queda sometida ás correspondentes taxas fiscais sobre xogos de sorte, envite ou azar e sobre rifas, tómbola, apostas e combinacións aleatorias.”

Artigo 70.- *Imposto sobre a Renda das persoas físicas*

Modifícase o artigo 5 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Lexislativo 1/2011, do 28 de xullo, que queda redactado como segue:

“Artigo 5. Deducións na cota íntegra autonómica do imposto sobre a renda das persoas físicas.

Un. Normas xerais.

A práctica das deducións na cota íntegra autonómica do imposto sobre a renda das persoas físicas quedará en todo caso condicionada á xustificación documental adecuada e suficiente do suposto de feito e aos requisitos que determinen a súa aplicabilidade.

Dous. Dedución por nacemento ou adopción de fillos.

O contribuínte poderá deducir da cota íntegra autonómica 300 euros por cada fillo nado ou adoptado no período impositivo, que conviva co contribuínte na data de devengo do imposto.

No caso de parto múltiple esta dedución ascenderá a 360 euros por cada fillo.

A dedución estenderase aos dous períodos impositivos seguintes ao nacemento ou

adopción, sempre que o fillo nado ou adoptado conviva co contribuínte na data de devengo do imposto que lle corresponda a cada un deles, segundo as seguintes contías e límites de renda:

- a) 300 euros, sempre que a base imponible total menos os mínimos persoal e familiar para efectos do IRPF estivese comprendida entre 22.001 e 31.000 euros.
- b) 360 euros, sempre que a base imponible total menos os mínimos persoal e familiar para efectos do IRPF fose menor ou igual a 22.000 euros.

Cando, no período impositivo do nacemento ou adopción, ou nos dous seguintes, os fillos convivan con ambos os proxenitores a dedución practicarase por partes iguais na declaración de cada un deles.

Tres. Dedución por familia numerosa.

O contribuínte que posúa o título de familia numerosa na data de devengo do imposto poderá deducir da cota íntegra autonómica as seguintes cantidades:

- a) 250 euros, cando se trate de familias numerosas de categoría xeral.
- b) 400 euros, cando se trate de familias numerosas de categoría especial.

Cando algún dos cónxuxes ou descendentes a que sexa de aplicación o mínimo persoal e familiar do imposto teña un grao de minusvalidez igual ou superior ao 65%, a dedución anterior será de 500 e 800 euros respectivamente.

Esta dedución practicaraa o contribuínte con que convivan os restantes membros da familia numerosa. Cando convivan con máis dun, o importe será rateado por partes iguais.

Catro. Dedución por acollemento.

Os contribuíntes poderán deducir da cota íntegra autonómica a cantidade de 300 euros por cada menor en réxime de acollemento familiar simple, permanente, provisional ou preadoptivo, administrativo ou xudicial, formalizado polo órgano competente en materia de menores da Xunta de Galicia, sempre que convivan co menor 183 o máis días durante o período impositivo e non teñan relación de parentesco. Se o tempo de convivencia durante o período impositivo for inferior a 183 días e superior a 90 días, o importe da dedución por cada menor acollido será de 150 euros.

Non dará lugar a esta dedución o suposto de acollemento familiar preadoptivo cando se produciu a adopción do menor durante o período impositivo, sen prexuízo da aplicación, se for o caso, da dedución por adopción.

No caso de acollemento de menores por matrimonio, ou polas parellas de feito a que se refire a disposición adicional terceira da Lei 2/2006, do 14 de xuño, de dereito civil de Galicia, o importe da dedución ratearase por partes iguais na declaración de cada un deles, se optasen pola declaración individual.

Cinco.- Dedución por coidado de fillos menores.

Os contribuíntes que por motivos de traballo, por conta propia ou allea, teñan que deixar os seus fillos menores ao coidado dunha persoa empregada do fogar ou en

escolas infantís 0-3 poderán deducir da cota íntegra autonómica o 30% das cantidades satisfeitas no período, co límite máximo de 200 euros, sempre que concorran os seguintes requisitos:

- a) Que na data de devengo do imposto os fillos teñan tres ou menos anos de idade.
- b) Que ambos os pais realicen unha actividade por conta propia ou allea, pola que estean dados de alta no réxime correspondente da Seguridade Social ou mutualidade.
- c) Que, no caso de que a dedución sexa aplicable por gastos dunha persoa empregada do fogar, esta estea dada de alta no réxime correspondente da Seguridade Social.
- d) Que a base impositiva total menos os mínimos persoal e familiar para efectos do IRPF non exceda 22.000 euros en tributación individual ou 31.000 euros en tributación conxunta.

Cando máis dun contribuínte teña dereito á aplicación desa dedución respecto dos mesmos descendentes, o seu importe será rateado entre eles.

Seis.- Dedución por suxeitos pasivos discapacitados, de idade igual ou superior a sesenta e cinco anos, que precisen axuda de terceiras persoas.

Os contribuíntes de idade igual ou superior a sesenta e cinco anos afectados por un grao de minusvalidez igual ou superior ao 65% e que precisen axudas de terceiras persoas poderán deducir da cota íntegra autonómica o 10% das cantidades satisfeitas aos terceiros, cun límite máximo de 600 euros, sempre que:

- a) A base impositiva total menos os mínimos persoal e familiar para efectos do IRPF non exceda 22.000 euros en tributación individual ou 31.000 euros en tributación conxunta.
- b) Se acredite a necesidade da axuda de terceiras persoas.
- c) O contribuínte non sexa usuario de residencias públicas ou concertadas da Comunidade Autónoma de Galicia ou beneficiario do cheque asistencial da Xunta de Galicia.

Sete.- Dedución por aluguer de vivenda habitual.

O contribuínte poderá deducir da cota íntegra autonómica o 10%, cun límite de 300 euros por contrato de arrendamento, das cantidades que satisfíxese durante o período impositivo en concepto de aluguer da súa vivenda habitual, coa condición de que concorran os seguintes requisitos:

- a) Que a súa idade, na data do devengo do imposto, sexa igual ou inferior a trinta e cinco anos.
- b) Que a data do contrato de arrendamento sexa posterior ao 1 de xaneiro de 2003.
- c) Que presente xustificante de constituír o depósito da fianza a que se refire o

artigo 36 da Lei 29/1994, de arrendamentos urbanos, no Instituto Galego da Vivenda e Solo, ou ben copia compulsada da denuncia presentada ante o devandito organismo por non entregarlle o citado xustificante a persoa arrendadora.

d) Que a base imponible do período, antes da aplicación das reducións por mínimo persoal ou familiar, non sexa superior a 22.000 euros.

Cando, cumprindo estes requisitos, dous contribuíntes teñan dereito á aplicación desta dedución, o importe total desta, sen exceder o límite establecido por contrato de arrendamento, ratearase por partes iguais na declaración de cada un deles.

No caso de tributación conxunta o requisito da idade deberá de cumprilo polo menos un dos cónxuxes ou, se for o caso, o pai ou a nai.

Oito.- Dedución por gastos dirixidos ao uso de novas tecnoloxías nos fogares galegos. Os contribuíntes que durante o exercicio accedan á internet mediante a contratación de liñas de alta velocidade poderán deducir da cota íntegra autonómica o 30% das cantidades satisfeitas no concepto de cota de alta e cotas mensuais, cun límite máximo de 100 euros e segundo os seguintes requisitos:

a) Só poderá aplicarse no exercicio en que se subscribe o contrato de conexión a liñas de alta velocidade.

b) A liña de alta velocidade contratada estará destinada ao uso exclusivo do fogar e non estará vinculada ao exercicio de calquera actividade empresarial ou profesional.

c) Non resultará aplicable se o contrato de conexión supón simplemente un cambio de compañía prestadora do servizo e o contrato coa compañía anterior se realizou noutro exercicio. Tampouco resultará aplicable cando se contrate a conexión a unha liña de alta velocidade e o contribuínte manteña, ao mesmo tempo, outras liñas contratadas en exercicios anteriores.

d) O límite máximo da dedución aplícase respecto de todas as cantidades satisfeitas durante o exercicio, ben correspondan a un só contrato de conexión ben a varios que se manteñan simultaneamente.

Nove.- Dedución por creación de novas empresas ou a ampliación da actividade de empresas de recente creación.

Os contribuíntes poderán deducir na cota íntegra autonómica, e cun límite de 4.000 euros, o 20% das cantidades investidas durante o exercicio na adquisición de accións ou participacións sociais como consecuencia de acordos de constitución de sociedades ou de ampliación de capital en sociedades anónimas, limitadas, anónimas laborais ou limitadas laborais, sempre que se cumpran os seguintes requisitos:

a) A participación do contribuínte, computada xunto coas do cónxuxe ou persoas unidas por razón de parentesco, en liña directa ou colateral, por consanguinidade ou afinidade ata o terceiro grao incluído, non pode ser superior ao 40% nin inferior ao 1% do capital social da sociedade obxecto do investimento ou dos seus dereitos de voto en ningún momento e durante os tres anos seguintes á

constitución ou ampliación.

b) A entidade en que hai que materializar o investimento debe cumprir os seguintes requisitos:

1.º Debe ter o domicilio social e fiscal en Galicia e mantelo durante os tres anos seguintes á constitución ou ampliación.

2.º Debe desempeñar unha actividade económica durante os tres anos seguintes á constitución ou ampliación. Para tal efecto, non debe ter por actividade principal a xestión dun patrimonio mobiliario ou inmobiliario, de acordo co disposto no artigo 4.8.º dous.a) da Lei 19/1991, do 6 de xuño, do imposto sobre o patrimonio.

3.º Debe contar, como mínimo, con dúas persoas ocupadas con contrato laboral e a xornada completa, dadas de alta no réxime xeral da Seguridade Social e con residencia habitual en Galicia, durante os tres anos seguintes á constitución ou ampliación.

4.º No caso de que o investimento se realizase mediante unha ampliación de capital, a sociedade mercantil debeu ser constituída nos tres anos anteriores á data desta ampliación, e que ademais, durante os vinte e catro meses seguintes á data do inicio do período impositivo do imposto sobre sociedades en que se realizase a ampliación, o seu cadro de persoal medio con residencia habitual en Galicia se incrementase, polo menos, en dúas persoas, respecto do cadro de persoal medio con residencia habitual en Galicia nos doce meses anteriores, e que o devandito incremento se manteña durante un período adicional doutros vinte e catro meses.

Para o cálculo do cadro de persoal medio total da empresa e do seu incremento tomaranse as persoas empregadas, nos termos que dispoña a lexislación laboral, tendo en conta a xornada contratada en relación coa xornada completa.

c) As operacións en que sexa aplicable a dedución deben formalizarse en escritura pública, na cal se debe especificar a identidade dos investidores e o importe do investimento respectivo.

d) As participacións adquiridas deben manterse no patrimonio do contribuínte durante un período mínimo de tres anos, seguintes á constitución ou ampliación.

Dez.- Dedución por investimento na adquisición de accións ou participacións sociais en entidades novas ou de recente creación.

Os contribuíntes poderán deducir na cota íntegra autonómica, e cun límite de 8.000 euros, o 20% das cantidades investidas durante o exercicio na adquisición de accións ou participacións sociais como consecuencia de acordos de constitución de sociedades ou de ampliación de capital en sociedades anónimas, limitadas, anónimas laborais ou limitadas laborais, sempre que se cumpran os seguintes requisitos:

a) A participación do contribuínte, computada xunto coas do cónxuxe ou persoas unidas por razón de parentesco, en liña directa ou colateral, por consanguinidade ou afinidade ata o terceiro grao incluído, non pode ser superior ao 40%

nin inferior ao 1% do capital social da sociedade obxecto do investimento ou dos seus dereitos de voto en ningún momento e durante os tres anos seguintes á constitución ou ampliación.

b) A entidade en que hai que materializar o investimento debe cumprir os seguintes requisitos:

1.º Debe ter o domicilio social e fiscal en Galicia e mantelo durante os tres anos seguintes á constitución ou ampliación.

2.º Debe desempeñar unha actividade económica durante os tres anos seguintes á constitución ou ampliación. Para tal efecto, non debe ter por actividade principal a xestión dun patrimonio mobiliario ou inmobiliario, de acordo co disposto no artigo 4.8.º dous.a) da Lei 19/1991, do 6 de xuño, do imposto sobre o patrimonio.

3.º Debe contar, como mínimo, con dúas persoas ocupadas con contrato laboral e a xornada completa, dadas de alta no réxime xeral da Seguridade Social e con residencia habitual en Galicia, durante os tres anos seguintes á constitución ou ampliación.

4.º No caso de que o investimento se realizase mediante unha ampliación de capital, a sociedade mercantil debeu ser constituída nos tres anos anteriores á data desta ampliación, e que ademais, durante os vinte e catro meses seguintes á data do inicio do período impositivo do imposto sobre sociedades en que se realizase a ampliación, o seu cadro de persoal medio con residencia habitual en Galicia se incrementase, polo menos, en dúas persoas, respecto do cadro de persoal medio con residencia habitual en Galicia nos doce meses anteriores, e que o devandito incremento se mantexa durante un período adicional doutros vinte e catro meses.

Para o cálculo do cadro de persoal medio total da empresa e do seu incremento tomaranse as persoas empregadas, nos termos que dispoña a lexislación laboral, tendo en conta a xornada contratada en relación coa xornada completa.

c) O contribuínte pode formar parte do consello de administración da sociedade en que materializou o investimento, pero en ningún caso pode levar a cabo funcións executivas nin de dirección durante un prazo de dez anos. Tampouco pode manter unha relación laboral coa entidade obxecto do investimento durante ese mesmo prazo.

d) As operacións en que sexa aplicable a dedución deben formalizarse en escritura pública, na cal se debe especificar a identidade dos investidores e o importe do investimento respectivo.

e) As participacións adquiridas deben manterse no patrimonio do contribuínte durante un período mínimo de tres anos, seguintes á constitución ou ampliación.

Once.- Dedución por investimento en accións de entidades que cotizan no segmento de empresas en expansión do mercado alternativo bolsista.

1. Os contribuíntes poderán deducir na cota íntegra autonómica, e cun límite de 4.000

euros, o 15% das cantidades investidas durante o exercicio na adquisición de accións como consecuencia de acordos de ampliación de capital subscritos por medio do segmento de empresas en expansión do mercado alternativo bolsista, aprobado por acordo do Consello de Ministros do 30 de decembro de 2005.

A dedución total calculada conforme o parágrafo anterior ratearase por partes iguais no exercicio no que se realice o investimento e nos tres exercicios seguintes.

2. Para poder aplicar a dedución á que se refire a alínea I deben cumprirse os seguintes requisitos:

- a) A participación conseguida polo contribuínte na sociedade obxecto do investimento non pode ser superior ao 10% do seu capital social.
- b) As accións adquiridas deben manterse no patrimonio do contribuínte durante un período de tres anos, como mínimo.
- c) A sociedade obxecto do investimento debe ter o domicilio social e fiscal en Galicia, e non debe ter como actividade principal a xestión dun patrimonio mobiliario ou inmobiliario, de acordo co disposto polo artigo 4.8.Dous.a) da Lei 19/1991, do 6 de xuño, do imposto sobre o patrimonio.

Os requisitos indicados nas letras a) e c) anteriores deberán cumprirse durante todo o prazo de mantemento indicado na letra b), contado desde a data de adquisición da participación.

d) As operacións nas que sexa aplicable a dedución deben formalizarse en escritura pública, na que se debe especificar a identidade dos investidores e o importe do investimento respectivo.

3. O incumprimento dos requisitos anteriores comporta a perda do beneficio fiscal.

4. A dedución contida neste artigo resultará incompatible, para os mesmos investimentos, coa dedución por investimento na adquisición de accións ou participacións sociais en entidades novas ou de recente creación.”

Artigo 71.- *Imposto sobre Sucesións e Doazóns*

Un.- Modifícase o apartado Dous do artigo 7 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Lexislativo 1/2011, do 28 de xullo, que queda redactado como segue:

“Dous. Normas comúns

1. As reducións contempladas neste artigo non se aplicarán de oficio, e deberán ser solicitadas polo suxeito pasivo/contribuínte conforme ao establecido no artigo 23 desta lei.
2. A porcentaxe de redución aplicarase sobre o resultado de deducir do valor do ben

ou dereito o importe das cargas e gravames que prevé o artigo 12 da Lei 29/1987, do 18 de decembro, así como a parte proporcional do importe das débedas e gastos que sexan deducibles de acordo cos artigos 13 e 14 da mesma lei, sempre que estes últimos se tivesen en conta na fixación da base imponible individual do habente causa.

3. O habente causa non poderá facer, nos períodos de mantemento establecidos en cada redución, actos de disposición ou operacións societarias que, directa ou indirectamente, poidan dar lugar a unha minoración substancial do valor de adquisición."

Dous.- Modifícase o apartado Dous do artigo 8 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Legislativo 1/2011, do 28 de xullo, que queda redactado como se expresa a continuación:

"Dous. Normas comúns

1. As reducións contempladas neste artigo non se aplicarán de oficio, e deberán ser solicitadas polo suxeito pasivo/contribuínte conforme ao establecido no artigo 23 desta lei.
2. A porcentaxe de redución aplicarase sobre o resultado de deducir do valor do ben ou dereito o importe das cargas e gravames que prevén o artigo 12 da Lei 29/1987, do 18 de decembro, así como a parte proporcional do importe das débedas que sexan deducibles de acordo co artigo 17 da mesma lei, sempre que estes últimos se tivesen en conta na fixación da base imponible individual do habente causa.
3. O habente causa non poderá facer actos de disposición ou operacións societarias que, directa ou indirectamente, poidan dar lugar a unha minoración substancial do valor de adquisición."

Tres.- Engádesse un epígrafe oito ao artigo 7 do Decreto Legislativo 1/2011, do 28 de xullo, polo que se aproba o Texto Refundido das disposicións legais da Comunidade Autónoma de Galicia en materia de tributos cedidos polo Estado, co seguinte contido:

"Oito. Redución pola adquisición de diñeiro destinado á creación ou constitución dunha empresa ou negocio profesional.

1. Nas adquisicións mortis causa, por fillos e descendentes, de diñeiro destinado á constitución ou adquisición dunha empresa ou negocio profesional, establécese unha redución do 95% da base imponible do Imposto sobre Sucesións e Doazóns, cun límite de 118.750 euros. No caso de que o habente causa acredite un grao de minusvalía igual ou superior ao 33 por 100, o límite será de 237.500 euros.

Este límite é único e aplícase tanto no caso dunha ou varias adquisicións mortis causa, sempre que sexan a favor da mesma persoa, proveñan dun ou de distintos ascendentes.

Por constitución dunha empresa ou negocio profesional entenderase o inicio do exercicio dunha actividade económica por unha persoa física ou por medio dunha das entidade ás que se refire o artigo 35 .4 da Lei 58/2003, Xeral Tributaria, ou a

constitución de calquera forma de sociedade que teña como obxecto a realización dun actividade económica, sempre que o número de socios ou partícipes non sexa superior a cinco.

Aos efectos da aplicación da redución, entenderase producida a constitución cando se cause alta por primeira vez no censo de empresarios, profesionais e retedores como consecuencia do establecido no artigo 3.2.a) do Real Decreto 1065/2007, do 27 de xullo, polo que se aproba o Regulamento xeral das actuacións e dos procedementos de xestión e inspección tributaria. No caso de persoas xurídicas societarias ou entidades ás que se refire o artigo 35 .4 da Lei 58/2003, Xeral Tributaria, os socios ou partícipes deben ser persoas físicas que non estean ou estivesen con anterioridade de alta no citado censo.

Por adquisición dunha empresa ou negocio profesional entenderase a adquisición do pleno dominio dun conxunto patrimonial de bens e dereitos afectos ao exercicio dunha actividade económica ou a adquisición do pleno dominio de accións ou participacións que permitan o control dunha sociedade, sen que se poida considerar como tal a adquisición de elementos illados.

Para determinar se existe actividade económica e se un elemento patrimonial está afecto a unha actividade económica estarase ao disposto no imposto sobre a renda das persoas físicas, sen que a redución sexa aplicable en ningún caso á actividade de arrendamento de inmobles nin cando a actividade principal sexa a xestión dun patrimonio mobiliario ou inmobiliario, de acordo co disposto no artigo 4.8.Dous.a) da Lei 19/1991, do 6 de xuño, do imposto sobre o patrimonio.

2. Para a aplicación da redución deben cumprirse os seguintes requisitos:
 - a) O habente causa deberá ser menor de 35 anos.
 - b) A suma da base imponible total menos o mínimo persoal e familiar para os efectos do imposto sobre a renda das persoas físicas do habente causa, correspondente ao último período impositivo, cuxo prazo regulamentario de declaración estivese concluído á data da devengo da primeira transmisión hereditaria, non poderá ser superior a 30.000 euros. Á mesma data e conforme as regras de valoración establecidas no imposto sobre o patrimonio, o patrimonio neto do habente causa non poderá superar o importe de 250.000 euros, excluída a súa vivenda habitual.
 - c) A aceptación da transmisión hereditaria ha de formalizarse en escritura pública na que se exprese a vontade de que o diñeiro se destine á constitución ou adquisición dunha empresa ou negocio profesional. Non se poderá aplicar a redución se esta declaración non consta no documento público, nin tampouco en caso de que se fagan rectificacións do documento co fin de emendar a súa omisión, agás que se fagan dentro do período voluntario de autoliquidación do imposto.
 - d) A constitución ou adquisición da empresa ou negocio profesional debe producirse no prazo de seis meses a contar dende a data de formalización da aceptación da transmisión hereditaria. No caso de haber varias, o prazo computarase dende a data da primeira. A redución non se aplicará as transmisións hereditarias de diñei-

ro posteriores á constitución ou adquisición da empresa ou negocio profesional, salvo nos supostos de pago aprazado ou financiamento alleo para a constitución ou adquisición da empresa ou negocio profesional que tivera lugar nos corenta e dous meses anteriores á transmisión hereditaria, sempre que se acredite que no prazo de seis meses o importe do diñeiro se destina ao pagamento do prezo pendente ou á cancelación total ou parcial do crédito.

- e) O centro principal de xestión da empresa ou do negocio profesional, ou o domicilio fiscal da entidade, se atope situado en Galicia e que se manteña durante os catro anos seguintes á data de devengo do imposto.
- f) Neste período de tres anos deberanse formalizar e manter dous contratos laborais e a xornada completa, cunha duración mínima de dous anos e con alta no réxime xeral da Seguridade Social, con persoas con residencia habitual en Galicia distintas do contribuínte que aplique a redución e dos socios ou partícipes da empresa o negocio profesional.
- g) Durante o mesmo prazo deberán manterse a actividade económica e o nivel de investimento que se tome como base da redución."

Catro.- Engádesse un epígrafe oito ao artigo 8 do Decreto Lexislativo 1/2011, do 28 de xullo, polo que se aproba o Texto Refundido das disposicións legais da Comunidade Autónoma de Galicia en materia de tributos cedidos polo Estado, co seguinte contido:

"Oito. Redución pola adquisición de diñeiro destinado á creación dunha empresa ou negocio profesional.

1.- Nas doazóns a fillos e descendentes de diñeiro destinado á constitución ou adquisición dunha empresa ou negocio profesional, establécese unha redución do 95% da base imponible do Imposto sobre Sucesións e Doazóns, cun límite de 118.750 euros. No caso de que o donatario acredite un grao de minusvalía igual ou superior ao 33 por 100, o límite será de 237.500 euros.

Este límite é único e aplícase tanto no caso dunha soa doazón como no caso de doazóns sucesivas, sempre que se outorgasen a favor do mesmo donatario, proveñan dun ou de distintos ascendentes.

Por constitución dunha empresa ou negocio profesional entenderase o inicio do exercicio dunha actividade económica por unha persoa física ou por medio dunha das entidade ás que se refire o artigo 35.4 da Lei 58/2003, Xeral Tributaria, ou a constitución de calquera forma de sociedade que teña como obxecto a realización dun actividade económica, sempre que o número de socios ou partícipes non sexa superior a cinco.

Aos efectos da aplicación da redución, entenderase producida a constitución cando se cause alta por primeira vez no censo de empresarios, profesionais e retedores como consecuencia do establecido no artigo 3.2.a) do Real Decreto 1065/2007, do 27 de xullo, polo que se aproba o Regulamento xeral das actuacións e dos procedementos de xestión e inspección tributaria. No caso de persoas xurídicas societarias ou enti-

dades ás que se refire o artigo 35 .4 da Lei 58/2003, Xeral Tributaria, os socios ou partícipes deben ser persoas físicas que non estean ou estivesen con anterioridade de alta no citado censo.

Por adquisición dunha empresa ou negocio profesional entenderase a adquisición do pleno dominio dun conxunto patrimonial de bens e dereitos afectos ao exercicio dunha actividade económica ou a adquisición do pleno dominio de accións ou participacións que permitan o control dunha sociedade, sen que se poida considerar como tal a adquisición de elementos illados.

Para determinar se existe actividade económica e se un elemento patrimonial está afecto a unha actividade económica estarase ao disposto no imposto sobre a renda das persoas físicas, sen que a redución sexa aplicable en ningún caso á actividade de arrendamento de inmobles nin cando a actividade principal sexa a xestión dun patrimonio mobiliario ou inmobiliario, de acordo co disposto no artigo 4.8.Dous.a) da Lei 19/1991, do 6 de xuño, do imposto sobre o patrimonio.

2.- Para a aplicación da redución deben cumprirse os seguintes requisitos:

- a) O donatario deberá ser menor de 35 anos.
- b) A suma da base imponible total menos o mínimo persoal e familiar para os efectos do imposto sobre a renda das persoas físicas do donatario, correspondente ao último período impositivo, cuxo prazo regulamentario de declaración estivese concluído á data da devengo da primeira doazón, non poderá ser superior a 30.000 euros. Á mesma data e conforme as regras de valoración establecidas no imposto sobre o patrimonio, o patrimonio neto do donatario non poderá superar o importe de 250.000 euros, excluída a súa vivenda habitual.
- c) A doazón ha de formalizarse en escritura pública na que se exprese a vontade de que o diñeiro doado se destine á constitución ou adquisición dunha empresa ou negocio profesional. Non se poderá aplicar a redución se esta declaración non consta no documento público, nin tampouco en caso de que se fagan rectificacións do documento co fin de emendar a súa omisión, agás que se fagan dentro do período voluntario de autoliquidación do imposto.
- d) A constitución ou adquisición da empresa ou negocio profesional debe producirse no prazo de seis meses a contar dende a data de formalización da doazón. No caso de haber varias doazóns, o prazo computarase desde a data da primeira doazón. A redución non se aplicará ás doazóns de diñeiro posteriores á constitución ou adquisición da empresa ou negocio profesional, salvo nos supostos de pago aprazado ou financiamento alleo para a constitución ou adquisición da empresa ou negocio profesional que tivera lugar nos corenta e dous meses anteriores á doazón, sempre que se acredite que no prazo de seis meses o importe do diñeiro se destina ao pagamento do prezo pendente ou á cancelación total ou parcial do crédito.
- e) Que o centro principal de xestión da empresa ou do negocio profesional, ou o domicilio fiscal da entidade, se atope situado en Galicia e que se manteña durante

os catro anos seguintes á data de devengo do imposto.

- f) Neste período de tres anos deberanse formalizar e manter dous contratos laborais e a xornada completa, cunha duración mínima de dous anos e con alta no réxime xeral da Seguridade Social, con persoas con residencia habitual en Galicia distintas do contribuínte que aplique a redución e dos socios ou partícipes da empresa o negocio profesional.
- g) Durante o mesmo prazo deberán manterse a actividade económica e o nivel de investimento que se tome como base da redución."

Artigo 72.- Imposto sobre transmisións patrimoniais e actos xurídicos documentados

Un.- Modifícase o artigo 14 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Lexislativo 1/2011, do 28 de xullo, que queda redactado como segue:

"Artigo 14. Tipo de gravame na modalidade de transmisións patrimoniais onerosas.

Un.- Tipo de gravame xeral.

1. Con carácter xeral, na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, o tipo de gravame aplicable á transmisión de bens inmoables, así como na constitución e cesión de dereitos reais que recaian sobre estes, agás os dereitos reais de garantía, será o 10%.
2. Con carácter xeral, na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, o tipo aplicable á transmisión de bens móbiles e semoventes, así como na constitución e cesión de dereitos reais que recaian sobre estes, agás os dereitos reais de garantía, será do 8%.
3. Na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, a cota tributaria correspondente á transmisión de automóbiles turismo e todoterreos, cun uso de igual ou superior a 15 anos, será a seguinte:

CILINDRADA DO VEHÍCULO (CENTÍMETROS CÚBICOS)	COTA (EUROS)
Hasta 1.199	22
De 1.200 a 1.599	38

Dous.- Tipo de gravame aplicable na adquisición de vivenda habitual.

Na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, o tipo de gravame aplicable ás transmisións de inmoables que vaian constituír a vivenda habitual do contribuínte, será do 8%, sempre que se cumpra os seguintes requisitos:

4. Que a suma do patrimonio dos adquirentes para os cales vaia constituír a súa vivenda habitual e, de ser o caso, dos demais membros das súas unidades familiares non supe-

rá a cifra de 200.000 euros, máis 30.000 euros adicionais por cada membro da unidade familiar que exceda o primeiro. A valoración do patrimonio realizarase conforme as regras do imposto sobre o patrimonio referidas á data da adquisición do inmovible, incluíndo este polo seu valor de adquisición e sen dedución das débedas asumidas nos supostos de adquisición con prezo aprazado ou financiamento alleo.

Para os efectos da valoración anterior, cando o adquirente sexa titular de outra vivenda, non se terá en conta o valor da mesma nin das débedas contraídas para o seu financiamento, sempre que se proceda á súa venda no prazo máximo dous anos e se acredite que o importe obtido se destina ao pagamento do prezo pendente ou á cancelación total ou parcial do crédito obtido para a adquisición de calquera das vivendas sinaladas dentro do mesmo prazo. O xustificante documental que acredite este destino deberá presentarse ante a oficina xestora competente no prazo dun mes dende a venda da vivenda.

5. A adquisición da vivenda deberá documentarse en escritura pública, na cal se fará constar expresamente a súa finalidade de destinala a constituír a súa vivenda habitual.
6. No caso de ter gozado da redución contemplada no artigo 8.tres deste texto refundido, o tipo reducido aplicarase ao importe resultante de minorar a base liquidable na contía do importe da doazón.
7. No suposto de que o inmovible sexa adquirido por varias persoas e non se cumplan os requisitos sinalados nos apartados anteriores en todos os adquirentes, o tipo reducido aplicaráselle á parte proporcional da base liquidable correspondente á porcentaxe de participación na adquisición dos contribuíntes que si os cumplan.

Tres.- Tipo de gravame para a adquisición de vivenda habitual por discapacitados.

Na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, o tipo de gravame aplicable ás transmisións de inmovibles que vaian constituír a vivenda habitual do contribuínte será do 4%, sempre que este cumpra os seguintes requisitos:

- 1.- Que á data de devengo do imposto o adquirente sexa unha persoa discapacitada física, psíquica ou sensorial cun grao de minusvalidez igual ou superior ao 65% e destine o inmovible adquirido a súa vivenda habitual.
- 2.- No momento de presentación do imposto, o contribuínte debe achegar a xustificación documental adecuada e suficiente da condición de discapacidade e do grao de minusvalidez conforme ao disposto no artigo 3.tres deste texto refundido.
- 3.- A adquisición da vivenda deberá de documentarse en escritura pública, na cal se fará constar expresamente a súa finalidade de destinala a constituír a súa vivenda habitual.
- 4.- No suposto de que o inmovible sexa adquirido por varias persoas e non se cumplan os requisitos sinalados nos apartados anteriores en todos os adquirentes, o tipo reducido aplicarase á parte proporcional da base liquidable correspon-

dente á porcentaxe de participación na adquisición dos contribuíntes que si os cumbran.

Catro.- Tipo de gravame para a adquisición de vivenda habitual por familias numerosas.

Na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, o tipo de gravame aplicable ás transmisións de inmobles que vaian constituír a vivenda habitual do contribuínte será do 4%, sempre que este cumpra os seguintes requisitos:

1. Que á data de devengo do imposto o adquirente sexa membro dunha familia numerosa que teña recoñecida tal condición co título oficial en vigor e destine o inmovible adquirido a vivenda habitual da súa familia.
2. Que a suma do patrimonio de todos os membros da familia numerosa non supere a cifra de 400.000 euros, máis 50.000 euros adicionais por cada membro superior ao mínimo para obter a condición de familia numerosa. A valoración do patrimonio realizarase conforme as regras do imposto sobre o patrimonio referidas á data da adquisición do inmovible, incluíndo este polo seu valor de adquisición e sen dedución das débedas asumidas nos supostos de adquisición con prezo aprazado ou financiamento alleo.

Para os efectos da valoración anterior, cando o adquirente sexa titular de outra vivenda, non se terá en conta o valor da mesma nin das débedas contraídas para o seu financiamento, sempre que se proceda á súa venda no prazo máximo dous anos e se acredite que o importe obtido se destina ao pagamento do prezo pendente ou á cancelación total ou parcial do crédito obtido para a adquisición de calquera das vivendas sinaladas dentro do mesmo prazo. O xustificante documental que acredite este destino deberá presentarse ante a oficina xestora competente no prazo dun mes dende a venda da vivenda.

3. No caso de gozar da redución contemplada no artigo 8.tres deste texto refundido, o tipo reducido aplicarase ao importe resultante de minorar a base liquidable na contía do importe da doazón.
4. A condición de familia numerosa acreditarase mediante o título oficial en vigor establecido para o efecto, no momento de presentación da declaración do imposto, de acordo co establecido na Lei 40/2003, do 18 de novembro, de protección ás familias numerosas.
5. A adquisición da vivenda deberá de documentarse en escritura pública, na cal se fará constar expresamente a súa finalidade de destinala a constituír a súa vivenda habitual.
6. No suposto de que o inmovible sexa adquirido por varias persoas e non se cumbran os requisitos sinalados nos apartados anteriores en todos os adquirentes, o tipo reducido aplicarase á parte proporcional da base liquidable correspondente á porcentaxe de participación na adquisición dos contribuíntes que si os cumbran.

Cinco.- Tipo de gravame para a adquisición de vivenda habitual por menores de 36

anos

Na modalidade de transmisións patrimoniais onerosas do Imposto sobre Transmisións Patrimoniais e Actos Xurídicos Documentados, o tipo de gravame aplicable ás transmisións de inmobles que vaian constituír a vivenda habitual do contribuínte será do 4%, sempre que este cumpra os seguintes requisitos:

7. Que á data de devengo do imposto o adquirente teña unha idade inferior a trinta e seis anos.
8. Que a suma do patrimonio dos adquirentes para os que vaia constituír a súa vivenda habitual e, de ser o caso, dos demais membros das súas unidades familiares non superará a cifra de 200.000 euros, máis 30.000 euros adicionais por cada membro da unidade familiar que exceda o primeiro. A valoración do patrimonio realizarase conforme as regras do imposto sobre o patrimonio referidas á data da adquisición do inmovible, incluíndo este polo seu valor de adquisición e sen dedución das débedas asumidas nos supostos de adquisición con prezo aprazado ou financiamento alleo.

Para os efectos da valoración anterior, cando o adquirente sexa titular de outra vivenda, non se terá en conta o valor da mesma nin das débedas contraídas para o seu financiamento, sempre que se proceda á súa venda no prazo máximo dous anos e se acredite que o importe obtido se destina ao pagamento do prezo pendente ou á cancelación total ou parcial do crédito obtido para a adquisición de calquera das vivendas sinaladas dentro do mesmo prazo. O xustificante documental que acredite este destino deberá presentarse ante a oficina xestora competente no prazo dun mes dende a venda da vivenda.

9. No caso de gozar da redución contemplada no artigo 8.tres deste texto refundido, o tipo reducido aplicarase ao importe resultante de minorar a base liquidable na contía do importe da doazón.
10. A adquisición da vivenda deberá de documentarse en escritura pública, na cal se fará constar expresamente a data de nacemento do adquirente e a súa finalidade de destinala a constituír a súa vivenda habitual.
11. No suposto de que o inmovible sexa adquirido por varias persoas e non se cumpran os requisitos sinalados nos apartados anteriores en todos os adquirentes, o tipo reducido aplicarase á parte proporcional da base liquidable correspondente á porcentaxe de participación na adquisición dos contribuíntes que si os cumpran.

Seis.- Tipo de gravame aplicable á transmisión de embarcacións de lecer e motores mariños.

No imposto sobre transmisións patrimoniais onerosas, o tipo de gravame aplicable ás transmisións de embarcacións de lecer e motores mariños será do 1%."

Dous.- Modifícase o artigo 15 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Lexislativo 1/2011, do 28 de xullo, que queda redactado como segue:

"Artigo 15. Tipo de gravame na modalidade de actos xurídicos documentados.

Un.- Tipo de gravame xeral nos documentos notariais.

Con carácter xeral, nas primeiras copias de escrituras ou actas notariais suxeitas a modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable será o 1,5%.

Dous.- Tipo de gravame aplicable na adquisición de vivenda habitual e na constitución de préstamos hipotecarios destinados ao seu financiamento.

Na modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable nas primeiras copias de escrituras que documenten a adquisición da vivenda habitual do contribuínte ou a constitución de préstamos ou créditos hipotecarios destinados ao seu financiamento, será do 1%, sempre que se cumpra os seguintes requisitos:

1. Que a suma do patrimonio dos adquirentes para os cales vaia constituír a súa vivenda habitual e, de ser o caso, dos demais membros das súas unidades familiares non superará a cifra de 200.000 euros, máis 30.000 euros adicionais por cada membro da unidade familiar que exceda o primeiro. A valoración do patrimonio realizarase conforme as regras do imposto sobre o patrimonio referidas á data da adquisición do inmovible, incluíndo este polo seu valor de adquisición e sen dedución das débedas asumidas nos supostos de adquisición con prezo aprazado ou financiamento alleo.

Para os efectos da valoración anterior, cando o adquirente sexa titular de outra vivenda, non se terá en conta o valor da mesma nin das débedas contraídas para o seu financiamento, sempre que se proceda á súa venda no prazo máximo dous anos e se acredite que o importe obtido se destina ao pagamento do prezo pendente ou á cancelación total ou parcial do crédito obtido para a adquisición de calquera das vivendas sinaladas dentro do mesmo prazo. O xustificante documental que acredite este destino deberá presentarse ante a oficina xestora competente no prazo dun mes dende a venda da vivenda.

2. A adquisición da vivenda ou a constitución do préstamo ou crédito hipotecario deberá documentarse en escritura pública, na cal se fará constar expresamente a súa finalidade de destinala a constituír a súa vivenda habitual
3. No caso de ter gozado da redución contemplada no artigo 8.tres deste texto refundido, o tipo reducido aplicarase ao importe resultante de minorar a base liquidable na contía do importe da doazón.
4. No suposto de que o inmovible sexa adquirido por varias persoas e non se cumpran os requisitos sinalados nos apartados anteriores en todos os adquirentes, o tipo reducido aplicaráselle á parte proporcional da base liquidable correspondente á porcentaxe de participación na adquisición dos contribuíntes que si os cumpran.

Tres.- Tipo de gravame aplicable na adquisición de vivenda habitual por discapacitados e na constitución de préstamos hipotecarios destinados ao seu financiamento.

Na modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable nas primeiras copias de escrituras que documenten a adquisición de vivenda habitual do contribuínte ou a constitución de préstamos ou créditos hipotecarios destinados ao seu financiamento, será do 0,5%, sempre que se cumpra os seguintes requisitos:

1.- Que á data de devengo do imposto o adquirente sexa unha persoa discapacitada física, psíquica ou sensorial cun grao de minusvalidez igual ou superior ao 65% e destine o inmovible adquirido a súa vivenda habitual.

2.- No momento de presentación do imposto, o contribuínte debe achegar a xustificación documental adecuada e suficiente da condición de discapacidade e do grao de minusvalidez conforme ao disposto no artigo 3.tres deste texto refundido.

3.- A adquisición da vivenda deberá de documentarse en escritura pública, na cal se fará constar expresamente a súa finalidade de destinala a constituír a súa vivenda habitual.

4.- No suposto de que o inmovible sexa adquirido por varias persoas e non se cumpran os requisitos sinalados nos apartados anteriores en todos os adquirentes, o tipo reducido aplicarase á parte proporcional da base liquidable correspondente á porcentaxe de participación na adquisición dos contribuíntes que si os cumpran.

Catro.- Tipo de gravame para a adquisición de vivenda habitual por familias numerosas e a constitución de préstamos hipotecarios destinados ao seu financiamento.

Na modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable nas primeiras copias de escrituras que documenten a adquisición de vivenda habitual do contribuínte ou a constitución de préstamos ou créditos hipotecarios destinados ao seu financiamento, será do 0,5%, sempre que se cumpra os seguintes requisitos:

1. Que á data de devengo do imposto o adquirente sexa membro dunha familia numerosa que teña recoñecida tal condición co título oficial en vigor e destine o inmovible adquirido a vivenda habitual da súa familia.
2. Que a suma do patrimonio de todos os membros da familia numerosa non supere a cifra de 400.000 euros, máis 50.000 euros adicionais por cada membro superior ao mínimo para obter a condición de familia numerosa. A valoración do patrimonio realizarase conforme as regras do imposto sobre o patrimonio referidas á data da adquisición do inmovible, incluíndo este polo seu valor de adquisición e sen dedución das débedas asumidas nos supostos de adquisición con prezo aprazado ou financiamento alleo.

Para os efectos da valoración anterior, cando o adquirente sexa titular de outra vivenda, non se terá en conta o valor da mesma nin das débedas contraídas para o seu financiamento, sempre que se proceda á súa venda no prazo máximo dous anos e

se acredite que o importe obtido se destina ao pagamento do prezo pendente ou á cancelación total ou parcial do crédito obtido para a adquisición de calquera das vivendas sinaladas dentro do mesmo prazo. O xustificante documental que acredite este destino deberá presentarse ante a oficina xestora competente no prazo dun mes dende a venda da vivenda.

3. No caso de gozar da redución contemplada no artigo 8.tres deste texto refundido, o tipo reducido aplicarase ao importe resultante de minorar a base liquidable na contía do importe da doazón.
4. A condición de familia numerosa acreditarase mediante o título oficial en vigor establecido para o efecto, no momento de presentación da declaración do imposto, de acordo co establecido na Lei 40/2003, do 18 de novembro, de protección ás familias numerosas.
5. A adquisición da vivenda deberá de documentarse en escritura pública, na cal se fará constar expresamente a súa finalidade de destinala a constituír a súa vivenda habitual.
6. No suposto de que o inmovible sexa adquirido por varias persoas e non se cumplan os requisitos sinalados nos apartados anteriores en todos os adquirentes, o tipo reducido aplicarase á parte proporcional da base liquidable correspondente á porcentaxe de participación na adquisición dos contribuíntes que si os cumplan.

Cinco.- Tipo de gravame aplicable na adquisición de vivenda habitual por menores de 36 anos e a constitución de préstamos hipotecarios destinados ao seu financiamento.

Na modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable nas primeiras copias de escrituras que documenten a adquisición da vivenda habitual do contribuínte ou a constitución de préstamos ou créditos hipotecarios destinados ao seu financiamento, será do 0,5%, sempre que se cumpra os seguintes requisitos:

7. Que á data de devengo do imposto o adquirente teña unha idade inferior a trinta e seis anos.
8. Que a suma do patrimonio dos adquirentes para os que vaia constituír a súa vivenda habitual e, de ser o caso, dos demais membros das súas unidades familiares non superará a cifra de 200.000 euros, máis 30.000 euros adicionais por cada membro da unidade familiar que exceda o primeiro. A valoración do patrimonio realizarase conforme as regras do imposto sobre o patrimonio referidas á data da adquisición do inmovible, incluíndo este polo seu valor de adquisición e sen dedución das débedas asumidas nos supostos de adquisición con prezo aprazado ou financiamento alleo.

Para os efectos da valoración anterior, cando o adquirente sexa titular de outra vivenda, non se terá en conta o valor da mesma nin das débedas contraídas para o seu financiamento, sempre que se proceda á súa venda no prazo máximo dous anos e se acredite que o importe obtido se destina ao pagamento do prezo pendente ou á cancelación total ou parcial do crédito obtido para a adquisición de calquera das vivendas sinaladas dentro do mesmo prazo. O xustificante documental que acredite

este destino deberá presentarse ante a oficina xestora competente no prazo dun mes dende a venda da vivenda.

9. No caso de gozar da redución contemplada no artigo 8.tres deste texto refundido, o tipo reducido aplicarase ao importe resultante de minorar a base liquidable na contía do importe da doazón.
10. A adquisición da vivenda deberá de documentarse en escritura pública, na cal se fará constar expresamente a data de nacemento do adquirente e a súa finalidade de destinala a constituír a súa vivenda habitual
11. No suposto de que o inmovible sexa adquirido por varias persoas e non se cumpran os requisitos sinalados nos apartados anteriores en todos os adquirentes, o tipo reducido aplicarase á parte proporcional da base liquidable correspondente á porcentaxe de participación na adquisición dos contribuíntes que si os cumpran.

Seis.- Tipo de gravame para as sociedades de garantía recíproca.

Na modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable nas primeiras copias de escrituras ou actas notariais que formalicen a constitución, modificación e cancelación de dereitos reais de garantía, cando o suxeito pasivo sexa unha sociedade de garantía recíproca con domicilio social no territorio da Comunidade Autónoma de Galicia, será do 0,1%.

Sete.- Tipo de gravame no caso de renuncia a exención no imposto sobre o valor engadido.

Na modalidade de actos xurídicos documentados, cota variable dos documentos notariais, do Imposto sobre Transmisións Patrimoniais e Actos Xurídicos Documentados, o tipo de gravame aplicable nas primeiras copias de escrituras que documenten transmisións de bens inmoables en que se renunciase á exención do imposto sobre o valor engadido, tal e como se contempla no artigo 20.dous da Lei 37/1992, do 28 de decembro, do imposto sobre o valor engadido, será do 2%."

Tres.- Engádesse un epígrafe sete ao artigo 17 do Decreto Lexislativo 1/2011, do 28 de xullo, polo que se aproba o Texto Refundido das disposicións legais da Comunidade Autónoma de Galicia en materia de tributos cedidos polo Estado, co seguinte contido:

"Sete.- Dedución nas adquisicións de local de negocios para a constitución dunha empresa ou negocio profesional.

1. Establécese unha dedución do 100%, cun límite de 1.500 euros, na cota gradual da modalidade de actos xurídicos documentados no Imposto sobre Transmisións Patrimoniais e Actos Xurídicos Documentados, para o suposto de primeiras copias de escrituras notariais que documenten a adquisición de locais de negocio, sempre e cando o adquirente destine o local á constitución dunha empresa ou negocio profesional.
 - Por constitución dunha empresa ou negocio profesional entenderase o inicio do exercicio dunha actividade económica por unha persoa física ou por medio dunha entidade ás que se refire o artigo 35 .4 da Lei 58/2003, Xeral Tributaria,

ou a constitución de calquera forma de sociedade que teña como obxecto a realización dun actividade económica, sempre que o número de socios ou partícipes non sexa superior a cinco.

Aos efectos da aplicación da dedución, entenderase producida a constitución cando se cause alta por primeira vez no censo de empresarios, profesionais e retedores como consecuencia do establecido no artigo 3.2.a) do Real Decreto 1065/2007, do 27 de xullo, polo que se aproba o Regulamento xeral das actuacións e dos procedementos de xestión e inspección tributaria. No caso de persoas xurídicas societarias ou entidade ás que se refire o artigo 35.4 da Lei 58/2003, Xeral Tributaria, os socios ou partícipes deben ser persoas físicas que non estean ou estivesen con anterioridade de alta no citado censo.

Para determinar se existe actividade económica e se o local está afecto a unha actividade económica estarase ao disposto no imposto sobre a renda das persoas físicas, sen que sexa aplicable en ningún caso á actividade de arrendamento de inmobles nin cando a actividade principal sexa a xestión dun patrimonio mobiliario ou inmobiliario, de acordo co disposto no artigo 4.8.Dous.a) da Lei 19/1991, do 6 de xuño, do imposto sobre o patrimonio.

2. Para a aplicación da dedución deben cumprirse os seguintes requisitos:
 - a) A adquisición do inmovible ha de formalizarse en escritura pública na que se exprese a vontade de que se destine á realización dunha actividade económica. Non se poderá aplicar a dedución se esta declaración non consta no documento público, nin tampouco en caso de que se fagan rectificacións do documento co fin de emendar a súa omisión, agás que se fagan dentro do período voluntario de autoliquidación do imposto.
 - b) A constitución da empresa ou negocio profesional debe producirse no prazo de seis meses anteriores ou posteriores a data da escritura de adquisición do inmovible.
 - c) Que o centro principal de xestión da empresa ou do negocio profesional, ou o domicilio fiscal da entidade, se atope situado en Galicia e que se manteña durante os tres anos seguintes á data de devengo do imposto.
 - d) Durante o mesmo prazo deberán manterse a actividade económica e o nivel de investimento que se tome como base da dedución.
3. No caso de ter gozado das reducións previstas nos artigos 7.Oito ou 8.Oito deste texto refundido, a dedución será de aplicación a cota resultante de minorar a base liquidable na contía do importe da base das reducións.
4. Cando máis dun contribuínte teña dereito á aplicación desta dedución respecto ao mesmo local de negocios, a dedución aplicarase de forma conxunta, sen prexuízo da imputación a cada contribuínte da parte proporcional correspondente á súa porcentaxe de participación na adquisición.
- 5.- O incumprimento dos requisitos e das condicións establecidas leva consigo a

perda do beneficio fiscal, e o contribuínte deberá ingresar a cantidade derivada do beneficio fiscal xunto cos xuros de mora. Para estes efectos, o suxeito pasivo deberá practicar a correspondente autoliquidación e presentala no prazo de trinta días hábiles contados desde o momento en que se incumpran os requisitos”

Catro.- Engádesse un epígrafe oito ao artigo 17 do Decreto Legislativo 1/2011, do 28 de xullo, polo que se aproba o Texto Refundido das disposicións legais da Comunidade Autónoma de Galicia en materia de tributos cedidos polo Estado, co seguinte contido:

“Oito. Dedución na constitución e modificación de préstamos e créditos hipotecarios concedidos para o financiamento das adquisicións de local de negocios para a constitución dunha empresa ou negocio profesional

Estabécese unha dedución do 100%, cun límite de 1.500 euros, na cota gradual da modalidade de actos xurídicos documentados no Imposto sobre Transmisións Patrimoniais e Actos Xurídicos Documentados, para o suposto de primeiras copias de escrituras notariais que documenten a constitución ou modificación de préstamos ou créditos hipotecarios destinados ao financiamento da adquisición de locais de negocio, beneficiada pola dedución sinalada no apartado sete anterior.”

Artigo 73.- *Imposto sobre hidrocarburos*

Modifícase o Capítulo V do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, que queda redactado como segue:

“CAPÍTULO V

Imposto sobre hidrocarburos

Artigo 18.- Tipo de gravame autonómico no imposto sobre hidrocarburos.

O tipo de gravame autonómico de aplicación á Comunidade Autónoma de Galicia, no imposto sobre hidrocarburos, será o seguinte:

- a) Produtos comprendidos nos epígrafes 1.1, 1.2.1, 1.2.2 y 1.13 do artigo 50 da Lei 38/1992, do 28 de decembro, de Impostos Especiais: 24 euros por 1.000 litros.
- b) Produtos comprendidos nos epígrafes 1.3 y 1.14 do artigo 50 da Lei 38/1992, do 28 de decembro, de Impostos Especiais: 12 euros por 1.000 litros.
- c) Produtos comprendidos no epígrafe 1.5 do artigo 50 da Lei 38/1992, do 28 de decembro, de Impostos Especiais: 1 euro por tonelada.
- d) Produtos comprendidos no epígrafe 1.11 do artigo 50 da Lei 38/1992, do 28 de decembro, de Impostos Especiais: 24 euros por 1.000 litros.

Artigo 74.- *Disposicións formais e procedementais en materia de tributos cedidos*

Un. Modifícase o artigo 23 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Legislativo 1/2011, do 28 de xullo, que queda redactado como segue:

“Artigo 23. Beneficios fiscais no aplicables de oficio

Un.- Os beneficios fiscais que dependan do cumprimento polo contribuínte de calquera requisito nun momento posterior ao devengo non se aplicarán de oficio, habendo de solicitarse expresamente polo contribuínte no período regulamentario de presentación da declaración do imposto, practicándose os devanditos beneficios fiscais na correspondente autoliquidación.

No caso de declaración extemporáneas sen requirimento previo, a solicitude deberá realizarse na presentación da declaración, practicándose os devanditos beneficios fiscais na correspondente autoliquidación.

No suposto de que na autoliquidación presentada non se tivesen aplicado os citados beneficios fiscais, non poderá rectificarse con posterioridade en canto á aplicación do beneficio fiscal, salvo que a solicitude de rectificación se presentase no período regulamentario de declaración.

A falta de solicitude do beneficio fiscal dentro do prazo regulamentario de declaración ou a falta da súa aplicación na autoliquidación entenderase como unha renuncia á aplicación do mesmo.

Dous.- En caso de incumprimento dos requisitos que haxan de cumprirse con posterioridade ao devengo do imposto, deberá ingresarse a cantidade derivada do beneficio fiscal xunto cos xuros de mora. Para estes efectos, o suxeito pasivo deberá practicar a correspondente autoliquidación e presentala no prazo sinalado na norma que regula o beneficio fiscal, contado dende o momento en que se incumpran os requisitos. Cando a norma que regula o beneficio fiscal non estableza un prazo, o ingreso e a presentación da autoliquidación farase dentro do prazo regulamentario de declaración establecido nas normas reguladoras de cada tributo.”

Dous.- Modifícase o artigo 27 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Legislativo 1/2011, do 28 de xullo, que queda redactado como segue:

I. “Artigo 27. Comprobación de valores.

Un.- Comprobación de valores. Norma xeral.

Para efectuar a comprobación de valores, a Administración tributaria poderá utilizar, indistintamente, calquera medio dos previstos no artigo 57 da Lei 58/2003, do 17 de decembro, xeral tributaria.

A Comunidade Autónoma de Galicia recoñece eficacia xurídica aos valores establecidos por outra comunidade autónoma para os bens inmoables situados no seu territorio, en virtude dalgún dos medios de valoración incluídos no artigo 57.1.º da Lei 58/2003, do 17 de decembro, xeral tributaria, e poderá aplicar estes valores para os

efectos dos impostos sobre sucesións e doazóns e sobre transmisións patrimoniais e actos xurídicos documentados.

Dous.- Estimación por referencia aos valores que figuren nos rexistros oficiais de carácter fiscal.

Nas comprobacións de valor de inmobles polo medio establecido no artigo 57.1.º b) da Lei 58/2003, xeral tributaria, a Administración tributaria poderá aplicar coeficientes multiplicadores que se aproben e publiquen mediante orde da consellaría competente en materia de facenda aos valores contidos no catastro inmobiliario. Tratándose doutro tipo de bens, a comprobación de valores poderá referirse directamente aos que figuren nos rexistros oficiais de carácter fiscal que determine a Administración tributaria galega, a cal poderá declarar o recoñecemento como rexistro oficial de carácter fiscal de calquera rexistro elaborado ou asumido como oficial pola Xunta de Galicia que inclúa valores deses bens, sempre que se aproben e publiquen mediante orde da consellaría competente en materia de facenda. Na aplicación dos valores procedentes destes rexistros poderase proceder á súa actualización mediante os índices de variación de prezos publicados polas distintas administracións públicas ou por institucións especializadas.

Tres. Prezos medios de mercado.

1. Nas comprobacións de valor de inmobles polo medio establecido no artigo 57.1.º c) da Lei 58/2003, xeral tributaria, a Administración tributaria aprobará e publicará a metodoloxía empregada no seu cálculo, que incluírá as táboas dos propios prezos medios resultantes ou ben as táboas das compoñentes ou valores básicos (solo, construción e gastos/beneficios), así como dos coeficientes singularizadores en adaptación dos prezos medios á realidade física do ben que se valore. Esta normativa técnica aprobarase mediante orde da consellaría competente en materia de facenda.

As táboas actualizaranse periodicamente conforme as variacións do mercado inmobiliario, e poden adoptarse, para este caso, os índices de variación de prezos inmobiliarios publicados polas distintas administracións públicas ou por institucións especializadas en estatística inmobiliaria.

Será suficiente a motivación da comprobación de valor que inclúa unha correcta identificación do ben, unha aplicación do prezo medio que corresponda e unha adaptación deste ao caso concreto a través dos coeficientes singularizadores que determine a normativa técnica sinalada no parágrafo primeiro.

2. As comprobacións de valor dos inmobles a través de prezos medios de mercado poderán realizarse de forma automatizada a través de técnicas e medios electrónicos, informáticos e telemáticos de acordo co establecido no artigo 96 da Lei 58/2003, xeral tributaria.

Catro. Ditame de peritos da Administración.

1.- Nas comprobacións de valor de inmobles polo medio establecido no artigo 57.1.º e) da Lei 58/2003, do 17 de decembro, xeral tributaria, estas poderán

tomar como referencia, para os efectos de motivación suficiente, os valores contidos nos rexistros oficiais de carácter fiscal do artigo 27.dous deste texto refundido, os valores básicos e prezos medios de mercado aos que alude a normativa técnica mencionada no artigo 27.tres deste texto refundido ou ben os valores establecidos por outra comunidade autónoma para os bens inmobles situados no seu territorio.

2.- Cando nas comprobacións de valor de empresas, negocios, participacións en entidades e en xeral calquera outra forma de actividade económica, polo medio establecido no artigo 57.1.º e) da Lei 58/2003, do 17 de decembro, xeral tributaria, o perito utilice sistemas de capitalización, o tipo de xuro a empregar será o xuro de demora ó que se refire o artigo 26.6 da mesma norma.”

Tres. Engádese o artigo 37 ao texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Legislativo 1/2011, do 28 de xullo, co seguinte contido:

“Artigo 37. Subministración de información sobre outorgamento de concesións.

1.- As administracións públicas que outorguen concesións ou actos e negocios administrativos, calquera que sexa a súa modalidade ou denominación, polo que, como consecuencia do outorgamento de facultades de xestión de servizos públicos ou da atribución do uso privativo ou do aproveitamento especial de bens de dominio ou uso público, se orixine un desprazamento patrimonial en favor de particulares, están obrigadas a poñer en coñecemento da Axencia Tributaria de Galicia, as citadas concesións, actos ou negocios outorgados, con indicación da súa natureza, data e obxecto da concesión, así como os datos identificativos do concesionario ou autorizado.

2.- A consellaría competente en materia de facenda establecerá os procedementos, estrutura, formato, prazos e condicións en que debe ser remitida a declaración informativa.”

Catro. Engádese o artigo 38 ao texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Legislativo 1/2011, do 28 de xullo, co seguinte contido:

“Artigo 38. Subministración de información sobre bens mobles usados.

Os empresarios dedicados á revenda, con ou sen transformación, de bens mobles usados, cuxas adquisicións deban tributar polo imposto sobre transmisións patrimoniais e actos xurídicos documentados, na modalidade de transmisións patrimoniais onerosas, deberán presentar unha declaración informativa das adquisicións de bens realizadas.

Esta declaración informativa substitúe á presentación do documento comprensivo do feito imponible a que se refiren os artigos 98 e 101 do Regulamento do imposto sobre transmisións patrimoniais e actos xurídicos documentados, aprobado polo Real decreto 828/1995, do 29 de maio.

A consellaría competente en materia de facenda determinará os modelos de declaración e prazos de presentación, o contido da información que se debe remitir, así como as condicións nas que a presentación mediante soporte directamente lexible por ordenador ou mediante transmisión por vía telemática será obrigatoria. En ambos os dous casos, estas declaracións terán a consideración de tributarias para todos os efectos regulados na Lei xeral tributaria. “

